



Artista plastico, Olga Gabrielle
'Uncollectible' ta un
experiencia personal

Pag. 5

Diasabra 14 di Maart 2020 www.bondia.com Email: noticia@bondia.com Tel: 582-7800 Fax: 582-7044 1,75 Florin

Dos caso di coronavirus confirma na Aruba



Pagina 3

- **Coronavirus
afectando
vuelonan y
turismo**

Pagina 8

- **Canada
ta cera
Parlamento**

Pagina 14

- **10 morto y
804 persona
infecta na
Hulanda**

Pagina 8

Comunidad den locura di compra



Pagina 31



Pagina 7

Prome caso di coronavirus confirma na Venezuela



Pagina 4

'SVT' ta keda importante pa Aruba'

Segun minister Xiomara Maduro no tin motibo pa panico

Tin suficiente cuminda, medicina y combustibel



ORANJESTAD – Ayera pa 6:30 atardi, minister di Finanzas y Asunto Economico, Xiomara Maduro a convoca un conferencia di prensa tocante situacion di inventario y mercancia; pero tambe combustibel na Aruba.

E mandatario su mensahe tabata dirigi pa trece mas confianza y tranquilidad den nos comunidad. Esta cu no tin motibo pa panico ya cu tin suficiente cuminda y combustibel na Aruba. Pa tal motibo el a invita directora di departamento di Asunto Economico y tambe Sr. Hubert Dirks,

kende ta representa mayoria di importadonan grandi na Aruba.

Maduro a declara cu nos comunidad no mester drenta den panico pa loke ta cuminda y combustibel. Esaki ta conta tambe pa productonan medicinal. Nan a ripara cu tin hendenan cu a bay abas-tece nan mes debi na e situacion di coronavirus. El a bisa cu tin suficiente cuminda pa abastece nos isla, y tambe combustibel pa un periodo largo. Ademá tin mas producto comestibel cu ta na caminda pa Aruba. Pues no tin motibo pa panico. El a haci un apelacion pa comunidad henter muestra nos convivencia y responsabilidad den momento di crisis.

Igualmente el a bisa cu ta monitor e situacion dia pa dia; ya cu e por cambia. Nan ta reuni pa evalua e situacion, y si mester di interveni e mercado, gobierno tin e facultad aki den cuadro di ordo publico. E team di crisis ta reuni cada momento y esaki ta un di e topiconan cu ta wordo trata. E no ta descarta cu na momento cu e team di crisis ta bisa cu algo asina leu mester wordo haci, nan lo implementa otro instrumento.

Gobierno su departamento di Asunto Economico a tuma contacto cu e mayoristanan pa haci un inventarisacion. A base di e feedback cu nan a

haya, tin suficiente alimento den stock y tin mas producto na caminda, ya cu te aworaki container ta keda drenta regularmente. E mandatario no a anuncia niun regulacion ainda. Sinembargo e importadonan grandi of mayoristanan a cuminsa regularnan benta cu nan clientenan comparando nan benta normal. Kiermen nan por compra un tiki mas mirando e situacion cu a presenta, pero manteniendo cierto control pa evita abuso cerca e consumidornan.

Maduro a bisa cu den seno di comision di crisis relaciona cu e coronavirus, nan ta evaluando riba flexibilisa pago di impuesto di importacion riba cierto productonan. Igualmente el a laga sa cu na Aruba ta existi un mercado liber y dificilmente nan por duna boet na esunnan cu ta abusa riba prijs. Sinembargo e control ta wordo haci riba canasta basico pa evita abuso di prijs. El a recorda nos comunidad cu recientemente a keda introduci un app cu ta podera e consumido pa hiba control tambe. “E consumidor ta keda cu e poder den su man,” el a bisa. Tin e macutu di compras, caminda nan ta evalua y informa e consumidor riba prijs di cierto productonan. P’esey el a haci un apelacion riba e sentido di responsabilidad y convivencia pa no abusa. E mandatario a reitera su mensahe di con-

vivencia y sentido di responsabilidad, awor cu nos ta den un situacion di un ‘crisis sin precedente’.

Importadornan

Sr. Dirks a bisa cu e ta representa un grupo hopi grandi di e wholesalers of importadornan di productonan na Aruba. E grupo cu e ta representa ta abastece casi un 70% di nos mercado. Nan tur a bay di acuerdo pa trece tranquilidad cerca nos comunidad, ya cu nan tin suficiente cuminda y productonan.

El a bisa cu e importacion di productonan ta keda normal keto bay. P’esey el a haci un apelacion pa e consumidornan no drenta den panico. E ta haya cu ta bon pa nan abas-tece, pero no exagera. El a bisa cu aworaki tin estabilidad riba prijs di e productonan cu nan ta importa. Pues no tin motibo pa niun establecimiento aumenta nan prijs di forma desproporcional.

Pero nos no sa kico lo pasa mañan. El a laga sa cu si e productonan internacional su prijs aumenta, logicamente e prijs local di e productonan lo aumenta tambe, ya cu nan mester abastece nos mercado. Ademá si eventualmente Merca ta cera su importacion, nos tin otro alternativa of plan di contingencia pa haya e productonan, pero loke ta cambia ta e marcanan, y tambe e prijs.

Capitan fayecido Mario Maduro a bira un leyenda riba Palm Beach

ORANJESTAD – E noticia tristo relaciona cu e fayecimiento di Mario Maduro a conmove hopi hende. E tabata un persona amabel y alegre kende danki na su carisma grandi a logra cosecha hopi amistad, principalmente den area turistico di Palm Beach. Hopi hende ta considera Mario como ‘un leyenda’ riba Palm Beach.

E tabata conoci como ‘Capitan Mario’, kende a yega di traha hopi aña cu e boto turistico di bela ‘Mi Dushi’. Ademá Mario Maduro ta ruman di pastoor Jairo Maduro di parokia Inmaculada Concepcion na Santa Cruz.

Ta asina cu diaranson, mientras cu Mario tabata trahando cargando un tanki di oxig-

eno riba su lomba y lastrando varios riba un garoshi, un di e tankinan a explota. Esun cu e tabatin riba su lomba, pa un motibo ainda desconoci a explota cu hopi forza, causando lesionnan severo na su curpa, specialmente riba su wes'i lomba. Intencion tabata pa transport'e pa Colombia, pero e no a logra bay, ya cu el a sufrí demasiado lesion, y el a fayece ayera.

Mario Maduro tabata traha cu un compania di watersport. Version di prensa divulgá den rednan media ta indica cu e tabata trahando ‘zwart’ cu un compania di divers. Ayera merdia -según version di un miembro di Mario su famia- ainda nan no a papia cu e doño di e compania di watersport. Unabes cu a wordo conoci e caso di

Mario su morto, cantidad di comentario a wordo haci via rednan social riba e situacion di e tankinan di oxígeno y falta di inspeccion y control regular riba e companianan di divers.

Tanten cantidad di hende cu tabata conoce Cap. Mario Maduro ta expresa nan convivencia y solidaridad cu e famia di e fayecido. Un persona cu a conoce Mario pa hopi aña a bisa Bon Dia Aruba cu tur su amigonan ta den shock. El a describi Mario como un persona trahado, generoso y cu tabata yuda tur hende sin interes. “Tin bi-aha e tabata yega cu pisca y e tabata reparti e piscanan cu esunnan cu tabatin mester... Mario tabatin un curason di oro,” el a bisa.



A cancela vuelonan for di Europa y scol lo cera desde dialuna

Dos caso di coronavirus confirma na Aruba

ORANJESTAD – Ayera atardi, minister presidente Evelyn Wever-Croes a ofrece un conferencia di prensa pa duna di conoce e prome dos caso di coronavirus den nos isla.

Wever-Croes a afirma cu un di e dos caso cu a duna resultado positivo pa test di coronavirus ta un persona cu ta haci trabounan di consultancy pa un compania di Estado cu a bin Aruba pa motibo di trabou y algun dia prome tabata di vakantie na Egipto y New York. E di dos caso ta un persona Arubiano cu a bay New York y a bin bek cu e virus.

Asina mes, Wever-Croes a declara cu e dos persona aki ta den bon condicion. Un di nan no ta manifestando sintoma mas y e otro tin tosamento, si por mira e medidanan riba e status aki segun Wever-Croes a sigura, nan hasta por bay cas.

Tambe el a afirma cu ambos caso ta den isolacion siguiendo e palabracion di protocol, pero mester haci otro test pa por verifica ainda cu Hulanda. Cu esaki, Wever-Croes a decreta e situacion aki como un crisis mediante un decreto cu lo firma y cu ta duna mas autoridad y espacio pa por preveni y evita mas caso.

Pa loke ta trata biahe, Wever-Croes a informa cu tanto avion como cruceronan lo restringi pasaheronan cu ta bin di paisnan di Europa, for di 16 di maart te dia 31 di maart, asina como tambe pa otro paisnan cu ta wordo menciona den e lista di WHO (Organisacion Mundial di Salud). Esaki cu excepcion di Arubianonan residencia na Aruba cu ta den exterior y ta bin bek.

E medida aki lo drenta vigor mañan 15 di maart y lo keda efectivo, por lo pronto, te dia

31 di maart, momento den cual lo evalua esey di nobo. Sinembargo, desde awe mes tin un control na aeropuerto riba tur pasahero cu ta drenta ainda y na waf cu e turistanan di crucero.

Ademas, Wever-Croes a declara cu tur actividad publico ta wordo cancela na Aruba for di ayera te cu dia 31 di maart. Esaki ta actividadnan deportivo, cultural, social, actividad di Gobierno y priva.

Wever-Croes a declara cu tambe a dicidi, como medida di precaucion, pa cera scolnan otro siman, for di dialuna 16 di maart te diabierna 20 di maart.

Esaki ta decisionnan cu Wever-Croes a señala cu a tuma ayera den oranan di atardi. Sinembargo ta keda evalua e desaroyo constantemente ya cu situacion por cambia hopi lihe. El a pidi comprension den esaki, pa motibo cu auto-



ridadnan ta haciendo lo miho posibel pa tuma na cuenta tur escenario.

“Te ainda nos tin e situacion bou control; pero esey ta depende di cada ciudadano y precaucion cu e mester

tuma”, Wever-Croes a manifesta.

El a comenta tambe cu tur departamento di Gobierno ta hayando un carta pa nan por ta prepara y asina contene expansion di e virus pa no afecta mas persona.

Prome pashentnan di coronavirus no tabata presenta hopi sintoma

ORANJESTAD – Durante un conferencia di prensa ‘extraordinario’ cu Gobierno di Aruba a ofrece ayera, tambe tabata presente Sharline Koolman, hefe di departamento di malesa contagioso di Directie Volksgezondheid DVG y Edwin Kelly, direc-

tor di Directie Luchtvaart.

Koolman a expresa cu e parti cu DVG ta encarga relaciona cu e dos caso confirma di coronavirus na Aruba ta e control di esunnan cu a haya contacto cu e personanan infecta. Di loke ta trata e Mericano, a afirma cu e tabatin dos

dia na Aruba caba y tin cu bay pa e compania estatal na unda e tabata haci algun trabou pa laga cada hefe di departamento sa cu mester traha un lista pa DVG, pa haya e contactonan directo di e persona cu por tabatin contacto cu e pashent.

A base di esaki, Koolman a manifesta cu e personanan lo wordo manda cas pa isolacion y lo wordo evalua tur dia. Esaki no ta nifica cu nan tin sintoma, pero esey ta net locual kier evita. Esunnan cu no a haya contacto directo cu e persona lo por bay traha y DVG lo bay ta den e compania pa evalua e situacion.

El a bisa: “Trahadonan no mester bay den panico, si nan tabatin contacto cu e persona aki, nan tin cu tuma contacto cu e manager y atende cune.”

Koolman tambe a trece dilanti cu 90% di e casonan casi no tin sintoma; y e dos caso cu a haya positivo na Aruba ta cay den e categoria di edad cu no ta haya mucho sintoma – y nan no tabatin hopi sintoma tampoco.

Di mesun manera, el agrega cu tur departamento mester tin medida di higiena y laba man, pero no solamente esey,

sino cu tambe desinfecta luganan. Por ehempel balie cu hende ta custumbra di bay, evita pone man na cara lo mas tanto posibel, limpia e man di porta y no duna man pa otro hende, pa motibo cu esey ta e manera di contagio mas facil.

E virus ta pasa door di gotanan di awa di nanishi of boca, no ta biba den aire. Pa hay’e mester ta den contacto cu e persona infecta.

Asina mes, Koolman a agrega cu tin virusnan cu por ta mas peligroso cu coronavirus, por ehempel hepatitis B of sarampi, cu tambe ta eyfo y hende tambe mester tin atencion pa nan.

Importante ta pa comunidad sa cu sintomanan di coronavirus ta tosamento, rosea cortico y keintura. Tocante un articulo cu a sali riba e website BusinessInsider, den cual a publica cu e virus lo por afecta e mesun persona dos biaha, Koolman a contesta cu aworaki cientificonan ta purba geneticamente pa saca mas informacion. Ta existi hende cu por mas cu ta haya vacuna, e curpa no ta reacciona riba dje. Den caso asina si por infecta dos biaha; pero e ta un caso den e miles cu a keda conoci.

Tambe Koolman a trece dilanti cu door cu ta un virus nobo, ta muestra cu muchanan no ta wordo afecta; pero cu el a menciona cu instancia encarga di Wit Gele Kruis tin planea di duna un presentacion pa bisa con por atende cu muchanan na scol desde crèche y kleuter bay ariba. Loke el a recomenda ta pa laba e man di muchanan constantemente.

Esun mas vulnerabel ta hende grandi. Nan ta haci un reunion cu tur manager di casnan di cuidu y a pidi pa controla pa hende cu tin grip of ta malo, no bay haci bishita na un persona na un cas di cuidu.

Edwin Kelly director di Directie Luchtvaart, tambe a trece dilanti cu e decision di restringi vuelonan for di Europa y no di Merca a wordo tuma door di Bureau Rampenbestrijding. Esaki evaluando tur posibilidad y e consecuencia di tuma decisionnan asina ta hopi grandi. Mester ta cauteloso pa motibo cu nan tambe mester wak e area di turismo. Tin un balansa cu ta keda fragil y tur dia nan ta reuni pa papia di esey y keda monitor e situacion, y asina tuma medidanan segun ta necesario.



Jessica Ras:

‘SVT ta keda un demanda y ta importante pa Aruba’



ORANJESTAD – Formacion social SVT (Social Vormings Traject) na marinierskazerne Savaneta a cuminsa nan proyecto cu 25 hoben presente, cu lo sigui training pa un año.

Jessica Ras, coordinador di e trayecto, a bisa cu dia 9 di maart ultimo a cuminsa cu grupo 13. E ta sumamente contento cu varios hoben a muestra interes y cu actualmente ta participando den e trayecto.

Door di e reaccion durante nan anochi di informacion, por a tuma nota cu tabatin interes den e trayecto. Ras ta menciona cu na comienso, inscripcion ‘a bay slow’, pero despues hobennan a cuminsa inscribi te na momento cu mester a nenga di tuma algun inscripcion, pasobra ya no tabatin suficiente tempo pa

haci e test necesario.

“Jammer genoeg no por a hinca tur den inscripcion, pero ta contento con e proceso a bay. E prome anochi informativo tabata e prome biaha cu a organisa esaki, y tin cu bisa nos a haya hoben cu interes pa drenta of haya mas informacion”, Ras a splica.

El a agrega cu mester a cera inscripcion pasobra tabatin demanda pa mas hende. El a menciona cu tabatin 37 hoben candidato kende a haya informacion oficialmente, mientras cu tin mas cu a yama, ‘pero hopi a yega laat’.

Tambe Ras ta bisa cu tabatin mayornan via Facebook of via e-mail cu a purba, pero no por a tuma nan yiu. A puntra Ras si hoben tabatin interes di nan mes of ta wak nan mes obliga pa nan mayor. E ta bisa

cu e idea ta pa e hoben tin interes, ‘sikiera un tiki’.

Sinembargo, semper ta bisa cu si e hoben mes no tin interes of no ta sigur, por papia cu nan pa nan por yega marinierskazerne of e anochi informativo, pa asina haya e informacion di antemano pa nan por haci un decision pa siguiente biaha. Asina tambe por cuminsa haci e test necesario na prome instante.

Tin hende cu no kier sa nada di SVT; pero manera nan haya informacion, e pensamiento ta cambia y cu impulso di mayornan y famia, ta haci cu despues nan ta join e formacion.

Ras a bisa cu locual ta e grupo nobo, combina cu esunnan cu a haci e trayecto caba ta stimula e hoben pa no cay

na caminda. “Esey ta e parti bunita, cu ta haya e hoben cu a sigui e trayecto y finalisa ta curasha y motiva e otro hoben pa inscribi.”

E ta comparti cu den grupo 12 y 13 tin di esunnan cu a cera bon amistad cu otro, anto esey ta e miho promocion cu nan ta haya. Nan ta inscribi y sinti e motivacion di esunnan cu ta cuminsando.

Ras ta duna di conoce cu mayoria di e programa ta draai mescos. E parti interno mes tin cambio, ya cu semper ta purba wak con por miho. E biaha aki mayor lo pasa bishita e hoben na kazerne. Aki nan ta haya informacion di e prome tres siman kico nan ta sigui.

Pa e di dos fase nan ta haya informacion, nan ta wak nan yiu y nan famia. “Nan ta wak

kico nan ta haci den e prome 3 siman. E ta bira emocionante pa nan, pasobra ta cuminsa wak cambio den e hoben”, Ras ta expresa.

Segun e ta bisa cu ta increibel pa mira e suceso. Durante e tres siman e mayor ta haya demostracion y informacion di e trayecto.

Ras ta contento pa tur esunnan cu a yuda pa haci e proyecto.

Manera SVB cu a keur e hoben pa nan por participa. Tambe e parti di stage, cu tin luga cu ta dispuesto pa tuma hoben pasa stage cerca nan. Marinierskazerne y Arumil, cu ta esunnan cu ta contribui di comienso na e trayecto. “Cu 8 año ta sigui cu grupo 13 den e SVT ta keda ta un demanda y ta importante pa Aruba.”



CB
CENTRALE BANK VAN ARUBA

BEKENDMAKING

Ingevolge artikel 8 lid 1 van de Landsverordening toezicht geldtransactiebedrijven (AB 2003 nr. 60) (Ltg) maakt de Centrale Bank van Aruba (CBA) hierbij bekend dat zij bij beschikking d.d. 30 januari 2020 de inschrijving van Global Exchange Aruba N.V. ex artikel 3 lid 2 van de Ltg op diens verzoek in het register van geldtransactiebedrijven, bedoeld in artikel 3 lid 1, van de Ltg heeft doorgehaald.

Oranjestad, 13 maart 2020

BONDIA
ARUBA

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Ass. Dir. Ehecutivo
Xiomara Arends

Redaccion Ehecutivo
Leo Maduro (hefe de redaccion)
Nicola Gonzalez (redactor ehecutivo)
Pilar Flores (redactor ehecutivo)

Redaccion
Benjamin Romero
Kenna Hernandez
Andreina Morillo

Departamento Digital
Juan Luis Pinto

Ehecutivo di Benta
Sulaika Croes
email: sulaika.croes@cspnv.com

Linda Reijnders

Aviso y Arte
Sandra Loeffstop
Lisa Tromp
Shannon Geerman

Administracion
Mariette Engelhart
Martha Arteta de Ariza
email: accounting@bondia.com

Distribucion
Jenny Kelly

Coleccion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Martin Boekhoudt
Francis Dirksz

Colaboracion
Luis Villegas
Associated Press
Ret Karibense
Upload Media Aruba

Afiliacion
Sociedad Interamericana
di Prensa (SIP)

DIRECCION
Adres: Weststraat #22
Tel: 582-7800 / Fax: 582-7044
Email: noticia@bondia.com
aviso@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Artista plastico, Olga Gabrielle

‘Uncollectible’ ta un experiencia personal



ORANJESTAD – “Olga Gabrielle” ta e nomber artistico di Olga Gabrielle van Bochove, un artista plastico kende pa varios aña ta bin trahando riba un proyecto nobo. E ta un persona hopi cauteloso pa revela mucho riba su proyecto artistico nobo ‘Uncollectible’, subsidia door di Prins Bernhard Cultuurfonds.

E serie di obra ‘Uncollectible’ ta wordo presenta den un caha nechi. E ta un concepto cu e artista a yega di traha algun tempo riba dje. E artista aki ta hunga un rol central den su mesun obranan. Olga Gabrielle ta describi su obranan como un experiencia personal.

“E no ta un sentimiento cu mi kier expresa. E ta un experiencia...” Logicamente e ta haya cu e sentimiento tin mas cu haci riba loke un persona ta sinti, ora cu e tin contacto cu su obranan. Pues e no sa ki sentimiento su experiencia personal expresa den su obranan por lanta cerca cierto personanan, ya cu e ta nan interpretacion subhetivo.

E no ta considera su mes como un modelo den su obranan. Considerando cu e ta papiando di experiencia personal, Olga Gabrielle ta uza su curpa pa comunica esaki pa medio di imagennan carga cu hopi plasticidad y beyesa.

E ta un combinacion di espacio y curpa. E espacio nan a

wordo scogi pa e artista mes. Pero tambe e forma artistico cu e ta posiciona su curpa. E ta algo cu e ta haci cu performance. Algun di e imagennan ta compaña cu textonan inspira y skirbi p’e. E no ta cualifica nan como texto gewoon, sino como imagen tambe.

E artista aki a studia arte scenico na Universidad di Antioquia na Medellin, Colombia. E facultad aki ta haci enfasis riba e curpa pa medio di diferente tecnica y disciplina cu tin di haci cu e parti corporal pa escena y performance. “Nan ta imagennan di investigacion, creacion, espacio unda mi ta invita otro persona pa bin haci e toma (di e potretnan).”

E potretnan cu ta un obra di arte ariba su mes, ta ilustra espacionan local cu a wordo scogi debidamente durante un periodo di casi cuater aña. Nan ta espacio caminda e artista ta trata di tin un dialogo pa asina describi su experiencia personal.


Trabou artistico

El a cuminsa cu e proyecto aki haciendo su experiencia artistico parti nort di Aruba. El a bisa cu a sinti manera un ‘forsa ancestral’ den e sitionan aki. Nan ta potretnan cu a wordo procesa como un joya fini den tayer fotografico profesional cu recursonan digital y manual. Pero tambe diferente tipo di material y tecnica pa realisa e imagennan miho.

Un tecnica cu a wordo haci ta serigrafia, cu ta demanda un proceso di dos dia pa bo por yega na un imagen. El a yega di haci uzo di tecnica hopi special pa medio di mashin di tayer tipografico cu ta data di siglo 18.

E relacion aki entre e autor y su obra ta asina intimo cu

Olga Gabrielle ta evaluando e forma con e ta bay introduci su trabou artistico. “E ta un cos asina intimo cu e ta bay perde su magia si mi bay pon’e on line.” E introduccion di ‘Uncollectible’ lo tuma luga den un evento intimo cu un grupo di invitado cu lo comparti cu e artista su obranan.



Brazil: Presidente Bolsonaro negativo pa coronavirus



SAO PAULO (ElPais) – Presidente di Brazil, Jair Bolsonaro, di 64 aña di edad, a duna negativo pa e nobo virus, segun e mes a anuncia ayera diabierna riba su pagina di Facebook.

E presidente a transforma e anuncio den un atake pa prensa cu un di dos mensahe despues di e diagnostico, den cual el a yama, 'pa no kere den e medianan cu ta duna fake news'.

E resultado negativo a produci un dia despues di e con-

firacion cu su secretario di prensa, Fabio Wajngarten ta positivo pa coronavirus. E funcionario halto aki tabata parti di e comision cu a compaña Bolsonaro siman pasa durante un bishita oficial na Donald Trump na Florida, ken tambe a sali den varios potret cerca di e presidente Mericano. Wajngarten, ken a bula di Merca pa Brasil, su casa y varios minister hunto cu yiu di e presidente, a muestra e prome sintomanan di e enfermedad na momento cu a baha for di avion na Sao Paulo.

Esaki ta un momento deli-

cado pa Brasil, den cual e crisis di coronavirus a causa te awor dañonan economico hopi mas grave cu di Salud Publico. E casonan confirma oficialmente ta 77, y no a registra ni un persona fayecido entre e 210 miyon di Brasileru.

Coronavirus a drenta na Latino America via Brasil dia 26 di februari ultimo cu un empresario cu a biaha pa Milan (Italia), pero ya tin su prome contagio pa personanan cu no tabatin contacto cu ni un hende cu a biaha pa e paisnan cu ta afecta.

Honduras: Orden pa ripiti huicio contra muhe di ex-presidente Lobo

TEGUCIGALPA (El-NuevoDiario) – Supremo di Honduras ayera diabierna a duna orden pa ripiti huicio contra ex-prome dama Hondureño, Rosa Elena Bonilla, casa di ex-presidente Porfirio Lobo (2010-2014), den contesta pa dos recurso presenta pa e defensa di e acusado, un fuente oficial a informa.

Portavos di Corte Supremo di Husticia, Carlos Silva, a bisa pa periodistanan cu Sala Penal a declara na su luga e dos recurso pa violacion di forma presenta pa e defensa di Rosa Elena Bonilla, ken 28 di februari di 2018 a ser captura na su cas, na Tegucigalpa y manda pa prizon, y dia 4 di september di 2019 a ser condena pa 58 aña di prizon.

Segun loke Silva a expresa, te awor no a bisa si e repeticion di e huicio ta supone cu e casa di e ex-presidente lo keda den libertad.

Sala Penal, pa unanimidad di voto, a admiti e recurso di e defensa y a manda "Tribunal di Sentencia cu competencia nacional den materia di corrupcion pa haci e huicio nobo contra e señora Rosa Elena Bonilla Avila, ken ta supone di ta responsabel como co-autor di e delito di apropiacion no debido y autor di ocho delito di fraude na concurso real", Silva a indica.

Ademas di e condena di 58 aña di prizon, di e cual segun e ley no por cumpli mas di 30, Bonilla a haya un multa di 1,2 miyon lempira (48.387 dollar), ekivalente pa 10% di



mas di 12 miyon di lempira (495.967 dollar) cu segun a desvia di e fondonan di e Despacho di Prome Dama, pa cuantanan di banco per-

sonal di dje.

Ayera e ex-presidente Lobo a bisa pa un canal di television local cu e ta satisfecho

di e resolucion pa cu lo ripiti e huicio, cu otro huesnan, contra su casa, cu e cual el a sigura cu ta inocente di loke ta acusa.

Confirma cuatro caso di coronavirus na Uruguay


MONTEVIDEO (Infobae) – Ministerio di Salud Publico di Uruguay ayera diabierna a confirma e

prome cuatro caso di coronavirus na e pais. Tur e pashentnan tabata na Milan, Italia, na unda e vi-

rus a cuminsa na Europa, y nan a drenta na e pais entre dia 3 y 6 di maart.

Ministerio di Salud Publico (MSP) a informa cu tur di nan ta den condicion stabiel y na su cas.

striccion di entrada of salida di e pais, manera otro paisnan den region tin caba.



Ademas, medianan local a informa cu dos di e pashentnan ta di Montevideo y otro dos di Salto. Di acuerdo cu e diario El Pais, un di e dos pashent di Salto a ser contagia pa e otro. Autoridadnan sanitario a haya e personanan cu a drenta den contracto cu nan desde su regreso y nan a descartar cu por haya mas persona infecta.

Uruguay tabata un di e poco paisnan den e region cu a registra casonan di contagio, maske a efectua testnan pa algun sospechoso, pero tur di nan cu resultado negativo. Te na e momentonan no tin re-

Director general di Organizacion Mundial di Salud (OMS), Tedros Adhanom a confirma ayera cu 'e cantidad di caso y morto notifica dia pa dia na Europa ta supera e resto den henter mundo, cu excepcion di China' incluso 'ta mayor cu esun cu e pais aki tabatin na e pio momento di e epidemia'.

Te na momento di redaccion di e noticia aki e cantidad di persona fayecido pa coronavirus a supera e barera di 5.000 na nivel mundial, total di casonan ta supera 132.000 y paisnan afecta mas di 120.

Guyana: Mision observador di OEA ta retira pa conteo no transparente

GEORGETOWN (StabroekNews) – Como un señal di e crisis cu ta empeorando na Guyana y pa e gobierno demisionario di presidente Granger, e mision observador di Organizacion di Estadonan Americano (OEA) a anuncia ayera cu nan ta retira di e pais ya cu e proceso di conteo na Region Cuatro no ta transparente a pesar di e multiple kehonan tocante esaki.

Den un declaracion e mision di OEA a adverti cu cualquier gobierno cu keda instala di e manera aki lo ta obheto di cuestionamento. Tambe a

anuncia cu ta preparando un informe pa Secretario General di OEA, Luis Almagro. Segun e declaracion duna pa e mision, e proceso di conteo den Region Cuatro no ta cumpli cu e standard rekeri di transparencia.

E anuncio di e mision observador ta bin dos dia despues cu Corte Supremo di Guyana a ordena e recuento di voto na e region specifico aki, despues di denuncia di varios partido opositor contra e forma con afiliadonan na gobierno di Granger a hiba e conteo.

Segun e declaracion, e ve-

redito di Corte Supremo tabata exige di e 'Returning Officer', e autoridad den e region pa acumula y certifica e resultadonan di e region, pa determina e miho metodo di administra esakinan na un manera cu ta permiti e partidonan envolvi pa mira kico tabata conta y con.

Sin embargo, esey no a sucede y e desafio di e Returning Officer di e veredicto pa permiti otronan di mira e declaracionnan di resultado, ta duna base na e acusacionnan di oposicion cu e cifranan registra no ta cuadra cu e resultadonan di e urnanan prepara despues di eleccion di 2



di maart.

"Legitimidad di cualquier gobierno cu keda instala den e circunstancianan aki lo ta

habri pa cuestionamento. Esaki lo ta un terrible golpi pa democracia na e pais. Pueblo di Guyana no ta merece esaki," e declaracion ta conclui.

Venezuela: Prome caso di coronavirus confirma



(LaPatilla) – Vice-presidente Delcy Eloya Rodríguez di gobierno di Nico-

las Maduro, a confirma cu den marduga di diabierna a confirma e prome dos

casonan di Coronavirus Covid-19 na Venezuela.

E contagiadonan ta un muhe di 41 aña cu tabata na Merca, Italia y Spaña y un homber Venezolano di 52 aña cu tabata tambe di biahe na Spaña. Ambos persona ta biba na estado Miranda, cu ta forma parti di Gran Caracas.

Tambe el a informa cu desde dialuna 16 di maart ta suspende tur actividad escolar na henter e pais, y a recomenda e mayornan pa keda cas a referi alavez na e obligacion di usa mascara pa por drenta metro di Caracas y e sistema

di transporte di trein.

Prome cu esaki, durante un rueda di prensa di diahuebs ultimo, e mandatario Venezolano a suspende pa un luna tur vuelo procedente di Europa y Colombia. Den e ultimo pais aki a detecta te awor 13 caso, y a prohibi actividad cu multitud grandi.

El a indica cu den e proximo oranan e Comision Presidencial di Prevencion di Covid-19 lo ta evaluando medida nobo conforme cu e situacion lo ta desaroyando na e pais.

El a duna informacion for di

Palacio Miraflores na Caracas, unda e ta den consulta permanentcu e Comision Presidencial di Prevencion pa monitorea e situacion nacional.

Presidente de facto Nicolas Maduro tambe el a comenta riba e anuncio di Rodriguez riba Twitter bisando cu "nos ta tumando tur e medidanan necesario pa prevencion y proteccion di pueblo di Venezuela pa e menasa di Coronavirus. Nos tin cu prepara nos mes cu serenidad, seguridad, cooperacion, solidaridad y e union di tur Venezolano."

Venezuela: Critica riba medidanan di emergencia di Maduro

(LaPatilla) – Segun e ex-parlamentario opositor y abogado defensor di derecho humano Rafael Narvaez estado tin e obligacion di garantisa salud y bida di tur persona, pero e medidanan di emergencia tuma pa regimen di Maduro ta incompleto.

A decreta prohibicion di vuelo di Europa y Colombia, pero lo mester a inclui e vuelonan di China tambe y revisa e movimiento migratorio di persona cu ta drenta e pais desde e dia cu a detecta e virus na China, pa despues somete nan na examen riguroso cu posibilidad di aplica cuarentena pa proteha e poblacion, loke no a sucede, segun Narvaez.

El a referi tambe na e actualizacion di e informe di e gravedad di e situacion di derecho

humano na Venezuela di alto comisionado pa derecho humano di ONU, Michelle Bachelet, unda atrobe ta reafirma e crisis sanitario cu ta keda laga victima mortal cual estado ta nenga di reconoce, prueba di esey ta e casonan di pacient cronico manera den hospital JM de los Rios unda e fayecimento di mucha pa falta di splante di medula osea y cancer ta continua, mientras ta nengando nan e derecho di salud y bida, segun e coordinador di derecho civil.

E ex-parlamentario a finalisa haciendo un yamado na unidad di tur Venezolano pa enfrenta e virus sin distincion di color politico, di estado, di sector salud tanto publico como priva, empresarionan, defensornan di derecho humano y medionan di comunicacion. "Nos mester asumi

e defensa di ciudadania pasobra e Coronavirus ora e yega

no ta haci distincion entre color politico."



10 morto y 804 persona infecta cu coronavirus

Amsterdam (DutchNews) – E cantidad di morto Hulandes den e brote actual di coronavirus a duplica diabierna cu 10 persona, esaki ta locual e instituto di salud publico RIVM a bisa den su resumen diario. Otro 190 persona a test positivo pa e virus, cual a aumenta e total na 804 persona infecta. E total ta inclui 179 trahado di salud cu a somete un testnan cu mas frecuencia, RIVM.

Tur e pashentnan cu a muri

tabata anciano y tin problemanan di salud. Mas o menos 115 persona actualmente a ser trata na hospital. RIVM tin un mapa interactivo na unda cu bo por sigui e testnan positivo den nan vecindario. Mientras cu Brabant ta keda e provincia cu mas persona infecta, awo e ta moviendo pa parti nort, cu un cantidad di pashent na Amsterdam cu a aumenta cu 20.

Tin 26 caso na Utrecht y 20 na Rotterdam. Diamars ultimo e gobierno a introduci medidanan nobo pa asina stop e plamamento di e virus.



Coronavirus afectando vuelonan y turismo



AMSTERDAM (DutchNews) - E aerolin-eanan y e industria hotelero na Hulanda ya ta experienciando sintomanan grave di coronavirus. E asociacion di e sector di hospitalidad KHN a informa cu e cancelacionnan a aumenta na 48% esaki ta segun un encuesta di casi 4.000 di nan miembronan.

Mientras tanto e aeropuerto di Schiphol a anuncia cu e number di pasaheronan ta conoce un caida den e prome siman di maart. Si tur e vuelonan di y pa Merca ta temporalmente cancela, como e presidente Donald Trump, a anuncia, Schiphol ta spera e caida pa ta 30%.

Galerianan y museo Van Gogh ta cera, e stacionnan di trein ta bashi y e mayornan ta limita di laga nan yunan nan portanan di scol un dia despues di cu prome minister Mark Rutte a prohibi e reunionnan di mas di 100 persona y ta pidi tur esunnan cu tin sintomanan di griep pa isola nan mes.

Ladronicia a aumenta na Punda

WILLEMSTAD – E ultimo dos simannan a wak un aumento significativo den e cifra di robo na Punda. Esaki ta segun Carine Ghazzi, director di organisacion di gestion di centro(DMO).

E robonan cu ta ser cometi durante oranan trempan di mainta. Dos tienda a wordo horta un bes mas durante fin di siman, cu a laga basta daño. Ghazzi tambe a nota cu mas y mas adicto ta centra den punda.

Awo DMO lo tin seguridad adicional durante oranan di anochi.



FLAG & ANTHEM DAY

Bingo

PRESALE

TUESDAY, MARCH 17 • 4PM-7PM

FIRST 50 PEOPLE WILL RECEIVE \$10 BONUS SLOT DOLLARS ON THEIR PLAYERS CARD



Eagle Aruba
RESORT & CASINO

CASINO OPENS AT 10AM



EA
EAGLE ADVANTAGE

Must be 18 to play. Play responsibly.
www.gamblersanonymous.org

J.E. IRAUSQUIN BLVD. 248, ARUBA | EAGLE ADVANTAGE | (297) 527-9160 | LOCATED AT THE EAGLE ARUBA RESORT & CASINO

Corsou a registra prome caso di COVID-19

WILLEMSTAD –Prome minister di Curaçao Eugene Rhuggenaath y epidemiologo Dr. Izzy Gerstenbluth, a confirma cu e prome caso di COVID-19 na Corsou.

Ta trata di un turista di 68 aña di edad a yega na e isla siman pasa diahuebs y a bira malo e su siguiente dia. Diaranson ultimo el a informa un post

medico via telefon cu e tabatin e sintomanan cu ta indica un infeccion di coronavirus.

Segun Dr. Gerstenbluth e homber a ser avisa inmediatamente pa keda paden y no sali. Segun e protocol y acuerdo cu Salud Publico. Despues di esaki, autoridadnan di salud a ser informa y a test e homber. E homber y su casa tabata di vakantie na e



islanan y a bin Hulanda.

Corsou a cera espacio aereo cu Europa
Prome Minister a anuncia cu lo stop e vuelonan desde

Europa. E vuelonan riba ruta por aterisa, pero despues di esaki e espacio aereo lo ser cera ta cu proximo aviso. Cerando e espacio aereo lo yuda contene e virus, tambe

lo aplica reglanan di control pa esunnan cu ta yegando e isla, esaki prome minister a anuncia durante e conferencia di presa.



Wardacosta a intercepta ladronnan di casino

WILLEMSTAD(curacao-chronicle) – Wardacosta di Corsou a intercepta un boto diahuebs atardi cu a caba di sali di Bonaire. Autoridadnan Boneriano a haci e solicitud aki.

Durante e audit, a encontra un cantidad di alrededor di 20.000 dollar. Husticia ta pensa cu e placa cu ta bini di e robo di casino Divi Flamingo su a sosode diamars. E botin tabatin entre 80 y 90.000 dollar

E dos hombernan abordo a wordo aresta y e boto, placa a wordo confisca. Ora a descubri e placa, autoridad a realisa un buskeda di cas mas durante oranan di atardi den un cas den e distrito Antriol.



Sospechoso principal di belastingkantoor kier su libertad

WILLEMSTAD(curacao.nu) – E sospechoso principal di e candela cua sosode na belastingkantoor kier su libertad. Ya e tin seis luna den detencion preventivo, diahuebs tabata e prome sesion proforma.

E otro sospechoso mira a traves di un via video. E ta coopera cu husticia, por lo tanto ta pega na Bonaire pa su seguridad. Debi na e gravedad di e caso, e solicitud di liberacion a ser nenga. E daño di e oficina di belasting ta estima na 45 milyon florin.



Clasificado

ECONOMICO

Personal GRATIS max. 20 palabra

PASA LAGA BO AVISO NA OFICINA DI BON DIA
ARUBA WESTSTRAAT#22 FOR DI 9:00AM-4:00PM

Email nos na
classified@cspnv.com

TA BENDE

Auto Chevrolet Optra 2008
den bon condicion
Prijs Afl. 3500,=
Tel 568-2714

Sushi den cura?

Ta piki sushi cu pick-up
grandi pa Afl 75,= pa buelta.
Yama nos na
561 4297 of 561 5179
Hasi Aruba Limpi.

TA BENDE

Tubo pa colga paña un set (2x)
pa Fls.200
Tel: 569 7787

SERVICIO PUBLICO

Buscando auto pa huur y na
bon prijs? yama nos
Tel. 593 9953/ 593 8453

SERVICIO PUBLICO

ta drecha tur sorto
di Imagen y verf
Tel. 584 2489

SERVICIO PUBLICO

Barata Barata
Nos ta chapi, lanta sushi, spuit
veneno, corta mata, na bon prijs
Arubiano balente
Call 592 5766

SERVICIO PUBLICO

Pa haci trabow di verf y chapi,
tur mantencion di pafor di cas
Yama y puntra pa Benito na
Tel.593 0040

SERVICIO PUBLICO

Ta haci tur trabou di
construccion y carpinteria y tur
cos cu ta furamento di stul
Tel : 746 0518

AUTO Y HERO BIEU

Nos ta piki auto, aircu y bateria
bieu pornada. Frigidaire, stoof,
wasmachin, tv ta 10,=.
Yama 561 4597 / 561 5179
Arubiano Balente

TA BENDE

Un Cas Moderno: 3 Camber
2 banjo na Boroncana.
Awg. 475.000.00.
Tel: 565 0831

SERVICIO PUBLICO

Psychic Riley let me help solve
your problems in love marriage
finance career and family with
immediate results
Call 001 747271 9899
wyattearp14@sbcglobal.net

TA HUUR

apartment na Madiki Kavel
Whatsapp
Tel. 746 2395

GRATIS

Nos ta piki tur sorto di auto bieu,
gratis. Tambe aircu, bateria,
stoof, wasmachin, frigidaire etc
Tel. 561 4297 / 561 5179

SERVICIO PUBLICO

Para todo lo que se refiere a
tapiceria de muebles, autos,
botes. Reparamos bambú,
cabana. Todo lo relacionado
con carpinteria
Tel. 569 7539 / 746 0518

SERVICIO PUBLICO

Masaje relajante, sports ma-
sajes, aroma terapia, piedras
calientes, reflexologia, faciales
Sabana Basora # 157 P.Ch.
Tel. 561 8520

TA HUUR

Pa famia maximum
4 persona.
Yama pa informacion
Tel.568 4209

TA BENDE

BBQ Grill tipo cilinder
"criyoyo" duradero
Prijs Afl.250
Tel. 569 7787

SERVICIO PUBLICO

Construction
remodelacion di cas, traha cas,
apartment, traha y drecha dak,
electricidad, verf pega mosaico,
traha cura, plomeria. Bon prijs
Tel. 593 3141

SERVICIO PUBLICO

Gran Feria di Fruta y Verdura
na Rococo Plaza diahuebs,
diabierna y diasabra 3 or te cu
8 or anochi . Tur siman

SERVICIO PUBLICO

Sra. ta dispuesto pa haci trabou
den cuido di mucha y anciano y
tambe limpieza di cas of oficina
Tel. 568 1152

SERVICIO PUBLICO

Mi ta ofrece servicio di electri-
cista en general corto circuito y
mantencion
Tel.566 5026

SERVICIO PUBLICO

Se ofrece servicio de reparacion
e instalacion de aires acondicio-
nados Split e industrial tambien
reparamos frigidaire, cuartos
frios y fabricantes de hielo
Tel. 600 0750

SERVICIO PUBLICO

Albañil, ceramica, porcelanato,
plomeria, pintura, cielo raso,
puertas de madera, puntos
electricos, soldadura, Bloques,
Frizos, pisos. Yama ya
Tel. 740 1242 / 740 4003

TA BUSCA

pa compra 1 tereno Eigendom
di ongerveer 400 m2 pa 500
m2 den vecindario di Madiki,
Socotoro, Meinveld, Ponton,
Companachi of otro bario
Tel.593 0769 / 593 3514

TA HUUR

Apartment full muebla. Incl.
awa, excl. coriente. Vecindario
Tele Aruba.
Pa mas info yama
Tel.593 8488 / 593 7755

SERVICIO PUBLICO

recojemos todo tipo de basura
(nevera, estufa, etc)
Tel. 564 1979

FOR SALE

Commercial property close to
the new Container Port in
Barcadera, build-up 424 m2,
land 2400 m2 for \$337,078.
For more details
Tel. 593 6318

FOR SALE

Gorgeous two story house in
Paradera, 3 bedrooms/
3 bathrooms with pool for
\$470,000
Tel.593 6318

SERVICIO PUBLICO

Pa tur trabou di tapiceria di
mueble, auto, yate y barco.
Nos ta haci trabou di cabana y
bambu y nos ta verf
Tel : 569 7539 / 737 3993

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI
MAS CERCA DI BO!**



Yena aki bao e siguiente informacion

Telefon

Number completo:

Adres di entrega:

Adres di cobranza:

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na accounting@bondia.com
www.bondia.com**

Gregorio Wolff:

'35 Aña pasa, ultimo biaha cu trahadonan a enfrenta Riot-comando'

ORANJESTAD - Consejo Insular di Aruba a dicta cu ta baha salario cu 10%. Na cuminsamento di maart 1985, Consejo Insular di Aruba of otro bisa, e Bestuurscollege di Aruba, forma pa politiconan di MEP, a tuma e decision pa baha salarionan di Trahadonan di Gobierno, esta ambtenaarnan, arbeiderman, maestronan y otro trahadonan kendenan tabatin un areglo na analogia di e ambtenaar, cu 10%.

Prome cu 1986, Aruba tabata forma parti di Antias Hulandes.

E motibo tabata cu Lago (Rafinaderia na Aruba) a cera su porta y gobierno a perde como 50% di su entradanan. Esaki a resulta den un declaracion di guera na e trahadonan. E rabia contra e decision di baha salario tabata grandi. Pa un grupo e tabata tambe un decision dicta dor di politiconan sin a tende sindicato, cual a haci e rabia mas grandi. Carta a bay y bin bek, pero Consejo Insular of Bestuurscollege di Aruba no kier a cambia nan postura.

Mi persona no tabata miembro di ningun sindicato na maart 1985. Un grupo di lidernan sindical di e 3 sindicatonan GABA, SEPA, SIMAR, Leo yazaragaray, Mario Tromp, Todd Dandare, Rafael Halley, Clemente Geerman, a acerca mi persona pa bira e vocero di sindicatonan, cual mi a acepta.

Mi ta corda e prome reunion cu mi persona a dirigi tabata, na Club IOWUA (Independent Oil Worker Union Aruba), unda awe ta La Cabana Hotel. Tabata un diabierna anochi, 8 maart 1985, e Club tabata yen yen di trahadonan rabia, no tabatin lugha pa pone hende.

Eyden e decision a cay cu sector publico ta welga entrante dialuna 11 maart 1985.

Un welga bon prepara cu diferente comisionnan.

E preparacionnan pa e welga aki tabata tremendo. E diasabra y diadomingo, Leo Yazaragaray, mi persona y algun compaÑera(o) mas, nos a traha un plan di accion completo pa e welga den cual tabatin:

- Un comando central, consisti di mi persona y otro lidernan;
- Un comision di Ac-



cion pa planea e accionnan, trahamento di bordjnan, etc.;

- Un comision di Informacion pa duna informacion, pamfletanan, papia cu prensa, etc.;

- Un comision di Defensa pa proteha mi persona y otro lidernan;

- Un comision di Vigilancia pa controla lidernan cu nan relacionnan y tambe contra infiltracion negativo;

- Comision di provision pa procura pa sandwich, awa y otro provisionnan;

E welga a cuminsa bon, sector publico tabata plat, ambtenaarnan, arbeiderman y maestronan y otro trahadonan a drenta welga dialuna.

Na Centro di bario di Dakota nos ta reuni y di ey nos ta baha bay Bestuurskantoor. Nos a tene varios marchanan den cayanan di Oranjestad. Autoridadnan no tabata gusta y cada biaha mando policial ta bin negocia cu lidernan, pa wak kico pa haci y con pa baha e tension. Negociacionnan tabata duro y tin biaha bruto.

Diaranson tabatin mas movimiento y polisnan a pone barricadan y prikkeldraad rond di Bestuurskantoor. Nos, Welguistanan manera semper dicidido, cu hopi beheid, gritonan, confrontando polisnan, musica, bordjnan.

Lidernan tabata haci nan trabao y nos a ricibi e apoyo di pueblo.

Diaranson 13 maart 1985 Welguistanan ta enfrenta Riot Comando.

Pa diaranson merdia, gobernantenan a dicidi cu ta basta y a yega un batalion di Riot Commando bon arma pa core cu nos for di dilanti Parlamento y Bestuurskantoor. Via megafoon nan tabata haci apelacion pa nos bandona e lugha, logicamente como bon rebelde, nos no a cumpli cu nan peticion.

Cierto momento Riot Comando a dicidi di ataca nos, welguistanan.

"NOS SIN MIEDO" a dicidi di cana bay den nan direc-

cion, teniendo den nos mannan e bandera di Aruba. Mi persona tabata dilanti cu mas lidernan y pa nos tur dilanti di e masa e tabata momentonan di hopi tension. Artefactonan cu gasnan lagrimogeno y otro cosnan tabata skeiro rond di nos cabes, pero nos a sigui cu e confrontacion canando den direccion di e Riot Comando. Pa welguistanan e tabata momentonan horroroso ya cu artefactonan cu gasnan lagrimogeno tabata dal den e welguistanan, gasnan tabata yena nan wowo, wowo ta bira cora y ta yena cu awa, wowo ta basha awa. Hopi a dicidi cu ta basta y a bandona e sitio. Cierta momento, nos dilanti tambe a dicidi, ora nos tabata cerca di e comandonan, pa retira y pa bolbe bek despues. E tabata un experiencia amargo, nos tabata rabia y cu hopi tension.

Segun informacion un grupo creyente a bay Alto Vista gradici Dios cu tur cos a caba bon.

Actitud malo di lidernan sindical, kendenan no ta representa welguistanan.

E anochi ey tabatin bastante actividad den cual e lidernan di welga no a ser envolvi.

Algun aña despues, nos ta tende cu e anochi ey na Hotel Casa del Mar tabatin 3 suit, uno ocupa pa lidernan sindical kendenan no tabata representa welguistanan, uno pa Empresarionan y uno pa Gobierno. Lidernan sindical a wordo busca na nan cas y via omweg hiba Casa del Mar. Na hopi ocasion mi a puntra varios lidernan sindical kico a pasa na Casa del Mar y pakico e actitud ey. Mi no a ricibi un contesta claro.

Eynan lidernan sindical, Gobierno y Empresarionan a yega na un acuerdo Tri-Partit pa mantene e postura di Gobierno. Pa su mainta e lidernan sindical kendenan a atende e reunion cu Gobierno y Empresarionan, sin a reuni cu lidernan di e welguistanan, a subi podium na Centro di Bario Dakota y lesa e acuerdo cual tabata posicion di Gobierno, pa e welguistanan. Logicamente wel-

guistanan a baha nan for di podium y cu cabes abao, nan a bandona Centro di Bario Dakota. Personalmente ami a considera esaki como un traicion di e lidernan sindical na welguistanan y nan lidernan.

A negocia y a yega na acuerdonan

Mediador di Gobierno pa conflictonan laboral den Sector priva, a acerca nos, lidernan di e welguistanan, y nos a bay di acuerdo pa negocia un salida for di e conflicto. Diabierna anochi nos a yega na un acuerdo den cual ta encera: cu ta elimina e bahamento di salario cu 10%, tambe e famoso acuerdo di Noord y pa inicia un negociamento cu Consejo Insular di Aruba ariba con ta baha salario. Welguistanan a aproba e acuerdo y pa diabierna anochi 15 maart 1985, e welga a termina.

Mi mester menciona cu tabatin welguistanan, kendenan no tabata di acuerdo pa e welga termina. Hopi biaha e motivacion tabata politica partidario.

Despues nos a negocia cu Gobierno y nos a yega na un formula di entrega salario cu 7.3/4%.

Pa mi persona y mas lidernan e asunto di negociacion Sindicato Gobierno tabata esencial, banda di e bahamento di salario di 10%. P'esey nos a pone enfasis pa e acuerdo di Noord, cual a trece un obligacion pa Gobierno negocia. Maske despues Gobernantenan di tur dos partido grandi a cuminsa negligisha e negociamento a base di convenio 151 di ILO (International Labour Organisation). Awe, tambe durante tur e 35 añanan cu a pasa, e falta di negociamento entre Gobierno y sindicalismo den sector publico, ta e factor importante di cantidad di problemanan Gobierno Sindicalismo den sector publico.

GO-A no ta funciona y mester ser adapta na loke convenio 151 di ILO ta bisa.

E dictamento pa baha salario a pone e dede ariba algo cu ta malisimo den e relacion Sindicato vs Gobierno.

Ainda den LMA, e procedura legal pa Gobierno reuni cu sindicato ariba condicionnan di trabao di e ambtenaar ta vigente, pero como letranan morto den capitulo 10 di e ley LMA, esta e no tin ningun

balor. GO-A (Georganizeerd Overleg In Ambtenarenzak-en) actualmente ta bisa cu ora no tin acuerdo, legalmente Gobierno ta tuma su decision. Esta burlando convenio 151 di ILO.

Mi ta di opinion cu GO-A, estilo nobo por bira e instituto legal pa Gobierno cumpli cu convenio 151 di ILO. E convenio aki a ser aproba na juni 1978 y ta enfoca ariba negociamento entre Sindicato(nan) den sector publico y Gobierno ariba condicionnan di trabao di e Empleadonan Publico.

E convenio 151 di ILO ta habri e posibilidad pa negocia un CAO pa e Empleadonan Publico na Aruba. Esaki por ta un medida pa caba cu hopi abuso pa loke ta nombracion politico den sector publico. Na Europa, eo na Holanda esaki ta algo normal. Ta conoci cu tur departamentonan y servicionan di importancia den gobierno na Aruba tin nan organizacion bon describi cu tur su tareanan. Ademas tin e Organigram (organizacion cu e funcionnan y nan tareanan describi y balora). Tambe e funcionnan ta yena cu ambtenaarnan. Gobierno mester ratifica convenio 151 di ILO y cuminsa e proceso di negoshamento cu sindicato ariba un CAO pa sector publico of uno pa cada ministerio, of pa algun ministerio hunto, pero cu cierto areglonan manera Pensioen, Kindertoelage, continue-toelage y varios otro areglonan di caracter general, ta keda igual pa tur.

Cierta ministerio tin un organizacion cualnan tin un caracter special manera Polisnan y Maestronan. Pa esakinan ta rekeri CAO-nan apart. Despues cu e cao-nan ta firma ta dificil pa crea funcionnan y hinca compinchinan politico den e organizacion acorda.

Si Gobierno kier trece cambio, e mester tene cuenta cu tin un Cao firma cu e funcionnan den dje y mester convence sindicato pa bay di acuerdo cu e cambionan proponi.

Ta tarea di sindicalismo pa prepara su mes pa e situacion nobo aki y manera mi a splica na varios ocasion gobierno mester yuda tambe den formacion di lidernan sindical.

Pa termina e comunicado aki, un danki na ANA (Archivo Nacional Aruba) pa nan cooperacion cu informacionnan y potretnan.

ATENCION!

Si bo tin e sintomanan di coronavirus por favor yama callcenter institui pa Gobierno di Aruba na telefon **2800101**.
Por favor **NO** acudi na Huisartsenpost (dokter na warda).
Acudi na departamento di Emergencia solamente si bo tin sintomanan severo.

Sintomanan:

- ✓ keintura riba 38 grado
- ✓ tos seco
- ✓ falta di rosea



HUNTO NOS POR COMBATIE!

Dos auto ta accidenta na Yucuri

YUCURI - Diabierna mainta a sosode un accidente riba caminda di Yucuri.

Tanto polis como Ambulance a keda

dirigi na e sitio. Na yegada a topa cu un Suzuki sx4 y un Baleno a dal den otro. Personal di ambulance a brinda asistencia medico na e victima. Polisnan a tuma dato di e accidente.



Accidente entre auto y brommer na rotonde WVB Bushiri

BUSHIRI - Diabierna na e rotonde WVB Bushiri a sosode un accidente entre auto y brommer.

E motociclista a resulta levemente

herida. Ambulance a presenta na e sitio y paramediconan a brinda asesina medico na e victima. Polis y roadservice tabata presente pa atende cu e accidente aki.



Wasmashin ta basha riba caminda publico



ORANJESTAD - Recientemente durante BCI su surveillance a bin constata plas di awa di wasmashin basha riba caminda publico.

A logra haya contact cu e doño di cas y a splik'e cu ta prohibi pa laga awa bay ariba caminda publico. A duna e doño di cas un siman pa regl'e y el a logra cumpli.

BCI a papia cu doño pa kita auto di caminda



ORANJESTAD - Segun keho cu a drenta na BCI a bay controla den bario di San Nicolas unda a bin topa cu un pickup sin number para riba caminda publico.

A logra haya contact cu e doño. Despues cu a papia cu e doño el a laga kita e auto for di ariba caminda publico. Pueblo porfavor ban tene Aruba limpi.



Pickup transportando sushi sin lona

ORANJESTAD - Durante BCI su control di tur dia a bin topa cu un pickup transportando carga den e baki sin cu esaki ta tapa.

lona pa tapa e sushi. Nos kier pidi tur e hende cu ta transporta desperdicio pa Dump pa porfavor uza bo lona pa tapa esaki. Asina bo ta Evita pa haya un boet y bo ta yuda tene nos dushi Aruba limpi.

BCI a splica e chauffeur cu e mester tin un



Ehercito Iraki a bisa cu atake Mericano a mata seis persona



BAGDAD (AP) – Ehercito Iraki a bisa cu cinco miembran di forsa si siguridad y un civil a fayece ayera trempa den un cantidad di atake aereo cu Merca a lansa algun ora despues cu un atake cu raket a mata y herida militarnan Mericano y Britanico na un base nort di Bagdad.

Un grupo di milicia Shiita cu sosten di Iran a priminti di cobra vengansa pa e atakenan Mericano, potencialmente señalando otro ciclo di intercambio di violencia entre Washington y Tehran, cu por tuma luga den Irak.

Oficialnan Mericano a bisa cu e obhetivonan intencional di e atake aereo tabata principalmente facilidadnan di arma perteneciendo na Kataib Hezbollah, e grupo di milicia cu ta kere ta responsabel pa e atake diaranson riba base Camp Taji.

Kataib Hezbollah no a comenta inmediatamente riba e atake aereo. Pero Harakat

Hezbollah al Nujaba, un grupo di milicia cu sosten di Iran designa pa Merca como organizacion terrorista, a priminti represalia cu un declaracion di 'un wowo pa un wowo' ayera.

Declaracion di ehercito Iraki tambe a bisa cu e atakenan aereo Mericano a herida cinco miembro di milicia perteneciendo na Unidad di Mobilisacion Popular, un grupo 'umbrella' cu ta inclui un cantidad di milicianan Iraki, algun di nan cu sosten di Iran.

Atake aereo Mericano enfocando riba e milicia Kataib Hezbollah cu sosten Irani a conduci na protesta na emba-

hada Mericano na Bagdad.

Merca y Iran a hala atras di mas atake despues di incidente Soleimani. Un oficial Mericano senior a bisa fin di januari, na momento cu tension Merca-Iran a fria, cu e asesinato di Mericanonan ta constitui un linea cora cu por resulta den mas violencia.

Militar Iraki y oficialnan senior a condena e atakenan aereo di ayera, bisando cu ta den violacion di soberania di e pais, potencialmente revertiendo un alivio di e tension diplomatico Merca-Irak cu a alcanza un punto haltu despues di asesinato di Soleimani riba teritorio Iraki.

Spaña drastico pa combati virus

MADRID (AP) – Cu Italia ya sumergi den cuarentena nacional, Spaña a tuma un stap mayor na un blokeo similar, mientras ta purba lucha contra pandemia di coronavirus cu ta genera malesa y miedo na mundo henter.

Prome minister, Pedro Sanchez, a anuncia cu su gobierno lo declara un estado di emergencia di dos siman, otorgando poder extraordinario, incluyendo mobilisacion di forsa arma di e pais pa confronta e brote di COVID-19.

"Ta un emergencia cu ta afecta bida y salud di tur hende. Gobierno lo proteha tur ciudadano", Sanchez a bisa. El a

agrega cu ta preparando un cantidad di medida pa protege e pais pa un aumento mas grandi ainda den infeccion indica pa e curva di contagio rapidamente creciendo.

Caso positivo por supera 10.000 otro siman, e prome minister a bisa, for di mas di 4.200 caso confirma merdia ayera. Un total di 120 persona a muri y 189 a keda declara recuperada.

Un estado di emergencia ta permiti gobierno central pa limita circulacion liber, confisca bienes y tuma control di industria y instalacion priva – incluyendo hospital priva.

Mas di 60.000 persona a lanta

ayera den cuatro ciudad cerca di Barcelona confina di nan cas y cu polis blokeando caminda, den e prome ceramento obligatorio di e pais. E region di Murcia a anuncia cu ta cerando areanan costero popular cu turista.

Mas di 62 pais, incluyendo Marocco, a restringi biahero yegando for di Spaña cu te awo unicamente a stop vuelonan cu Italia. Ayera, gobierno Britanico a conseha contra tur biahe no esencial na La Rioja, parti di Pais Basque, y region di Madrid, cu ya a mira casi 2mil caso positivo di e virus.

Cu hospital yenando rapidamente, capital Spano ta un



fuerce particular di preocupacion. Vice presidente regional di Madrid a bisa ayera cu e capital ta den necesidad di suministro medico, a pesar di anuncia un plan sin precedente pa 'shuffle' sistema di

salud di e pais, incluyendo unidad di cuido intensivo den hospital publico y priva, y creando camber adicional di hospital den hotel. Al menos dos cadena di hotel a ofrece nan edificio.

Canada ta cera parlamento y Trudeau den cuarentena

TORONTO (AP) – Canada a cera parlamento y a conseha pa hende no biha fuera di e pais. Prome minister Justin Trudeau a goberna remotamente for

di su cas, den un cuarentena voluntario despues cu su esposa a test positivo pa novel coronavirus.

Director di salud publico,

Theresa Tam, tambe a conseha mas distancia social, no duna man ni sunchi. Gobierno Canades ta recomenda cancelacion di tur evento grandi, como concierto.

Minister di Transporte, Marc Garneau, a bisa cu crucero cu mas di 500 persona no por atracar na Canada te cu dia 1 juli. Vuelo di exterior cu lo bin bek Canada tambe lo keda restringi na un cantidad chikito di aeropuerto na e pais.

Congreso di Canada a vota pa cera pa 5 siman pa yuda garantisar cu legislado no lo contribui na propagacion di e virus.

E movidanan a bin un dia

despues cu esposa di Trudeau a test positivo. E prome minister su mes ta den cuarentena voluntario.

Tur partido den parlamento a bay di acuerdo cu e suspension, nificando cu legisladonan lo perde dos siman di sesion desde cu anteriormente nan a planea pa keda leu otro siman y dos siman na april. Congreso ta programa pa reuni proximo biaha dia 20 di april.

Parti di e acuerdo pa cera parlamento pa cinco siman tabata ratifica e Acuerdo pa Comercio Liber Nort Mericano nobo. Lider di Government House, Pablo Rodriguez, a bisa cu legisladonan a pasa legislacion pa ratifica e acu-

erdo Merca-Mexico-Canada nobo, y ta spera cu Senado lo sigui diabierna.

Trudeau tabata den cuarentena voluntario na su cas pasobra su esposa, Sophie Gregoire Trudeau a test positivo pa novel coronavirus despues di bolbe for di Reino Uni. El a bisa ayera cu su esposa tin sintoma leve pero ta sintie bon. El a bisa cu ni e ni su tres yiu ta mustrand sintoma.

Trudeau tabata pasando e dia den sesion informativo, yamada y reunion virtual na cas, incluyendo papiando cu otro lidernan mundial y participando den discusion di comite di Gabinete pa coronavirus.



Luna Foundation a bishita Princess Amalia School



ORANJESTAD – Ayera, presidente Zoey y boluntario Eugeney di Luna Foundation a bishita Princess Amalia School pa educa e muchanan tocante con pa cuida nan mascota.

E fundacion, cu ta enfoca riba educacion tocante bienestar animal, a comparti un rato ameno cu e muchanan, den compania di invitadonan special di rasa canino.

Meta di e fundacion ta pa educa nos muchanan pa den futuro no tin maltrato, negligencia ni abuso animal riba nos isla.

Por haci donacion pa Luna Foundation:
PayPal: <https://www.paypal.me/LunaFoundation>

ArubaBank:
Stichting Luna Foundation
Business Account
6004940190



FAVI cu actividad di Aruba Doet na Grapefield

ORANJESTAD – Diabier-
na ultimo Favi a tene ac-
tividad di Aruba Doet na
rancho amistad situa na
Grapefield.

E miembronan disfruta di
e dia canti beach, a hunga
domino, haci BBQ. Favi ta
gradici tur cu a haci e dia aki
uno posible. Aki tin un bista
fotografico di e dia.



Advertorial

Celebrando Aruba su Himno y Bandera:

Aquarius Restaurant ta presenta 'Taste Of Aruba' riba dia 18 di maart



ORANJESTAD – Aquarius Restaurant no tin mester di niun introduccion, e restaurant ta conta cu un clientela grandisimo y ta popular pa e variacion amplio cu nan ta ofrece. Especialmente pa dia 18 di maart, dia riba cual Aruba ta celebra su Himno y Bandera, Aquarius Restaurant a prepara un buffet cu tur delicia Arubano. 'Taste Of Aruba' lo ofrece e bishitante un Lunch Buffet y un Dinner Buffet.

'Taste Of Aruba'

Pa diaranson dia 18 di maart venidero por spera e.o platonan manera keshi yena, carco tempera, pisca tempera, sopi di oester, carni stoba, un dushi aros con pollo, pan bati y mucho mas den 'Taste Of Aruba'. Tambe lo tin diferente 'action station' na unda cu lo prepara jonnie cake, arubian style mescos cu tambe lo tin 'juice station' na unda lo por haya e.o un juice di lamunchi refrescante of un juice di tamarein! Algo



zoet? Tin, quesillo, bolo di prui, bolo di cashupete, bolo di ponche crema y coco, tres leches y mucho mas!

Muchanan entre 5 y 12 aña ta come pa mita di prijs. Ta recomenda pa haci un reservacion yamando 523-6156. Aquarius Restaurant ta desea henter pueblo di Aruba un feliz dia di Himno y Bandera!



Minister Maduro a ricibi buki 'Conoce bo Isla, nos barionan y nos cayanan'



ORANJESTAD – Recientemente Minister di Cultura a ricibi di Dina Maria, su obra cual ta un buki di busca palabra na Papiamentu bou e titulo 'Conoce bo Isla. Nos bario y cayanan.'

Dina pa hopi tempo tabata traha busca palabra

pa corant local y semper tabata tin e soño pa publica un buki di busca palabra cu e meta pa nos siña mas di Aruba.

E prome edicion ta pa nos conoce mas nomber di nos barionan y cayanan na Aruba. E mandatario a gradici sra. Maria pa su obra.

A TASTE OF ARUBA

WEDNESDAY, MARCH 18TH

Discover Aruba's unique flavors and celebrate Flag Day with a locally inspired buffet.

DINNER BUFFET

\$41.50

PER PERSON + 15% service charge

LUNCH BUFFET

\$30

PER PERSON + 15% service charge

AQUARIUS

LOCATED AT RENAISSANCE HOTEL. FOR RESERVATION CALL 523-6156.
KIDS BETWEEN 5 TO 12 YEARS PAY HALF PRICE.

Relevo di flambeau Olimpico na Grecia suspendi



ATHENS, Grecia (AP) — a suspende resto di su relevo di flambeau ayera pa e

‘publico inesperadamente grandi’ cu a congrega pa mira, a pesar di insistencia pa publico keda leu pa preveni transmision di coronavirus.

E comite a bisa cu un cantidad grandi di hende a concentra pa mira e flambeau pa Olimpiada di Tokyo pasa a traves di e ciudad sur di Grecia, Sparta. A cende e flambeau pa Olimpiada di Tokyo diahuebs na e sitio natal di Olimpiada Antiguo den un ceremonia chikito.

Nos a tuma “e decision dificil pero esencial di cancela e resto di e programa di relevo di flambeau riba teritorio Griego”, e comite a bisa.

A tuma e decision den coordinacion cu ministerio di Salud y Comite Olimpico Internacional, segun e comite.

E entrega di flambeau Olimpico na e comite organizado di Tokyo lo bay dilanti segun schedule dia 19 di maart na e stadion na Athens unda e prome Olimpiada moderno a tuma luga na 1896.

Oficialnan di Tokyo a bisa den un declaracion cu no lo permiti ningun publico atende e ceremonia ey, pero nan ta continuando nan esfuerso pa un relevo di flambeau na Hapon.

“Den linea cu e politica di medida poni pa gobierno nacional, nos lo traha cerca cu tur municipalidad y organizacion relaciona na Hapon pa sigura cu e relevo di flambeau Olimpico cuminsa di forma safe dia 26 di maart”, e organisadonan a bisa.

Semenya ta cambia pa 200m pa purba core den Olimpiada

(AP) – Caster Semenya ta bisa cu e ta cambiando eventonan na 200m den un intento pa core den Olimpiada.

E dobel campeon Olimpico den 800m ta prohibi di competi den eventonan di nivel top for di 400m te 1 miya, a menos cu e ricibi tratamento pa reduci su nivel natural di testosterona.

Semenya a anuncia su decision pa cambia evento riba su cuenta di Instagram ayera. Semenya a bisa cu su decision tabata deriva di un deseo ‘pa competi na e nivel mas halto di sport’.

Semenya mester mehora su

best personal riba 200m pa casi dos seconde pa clasifica pa Tokyo2020. Su miho tempo ta 24.26 seconde, poni na Sur Africa na februari 2019. E standard di clasificacion Olimpico ta 22.80 seconde.

E decision di Semenya di purba e 200m por ta un señal cu e ta stop su reto legal contra e regulacion di testosterona di World Athletics pa atletanan cu diferencia di desaroyo sexual.

E segundo apelacion di Semenya contra regulacion forsan do e y otro atleta femenino cu nivelnan naturalmente halto di testosterona pa reduci esaki pa ta eligibel pa competi ta siendo considera pa Tribunal

Federal Suiso. Un veredicto den e apelacion ey ta spera den proximo simannan. El a faya aña pasa den su apelacion contra e regulacion na e Corte di Arbitrahe pa Sport.

Semenya, di 29 aña di edad, a nace cu e patronchi di cromosoma XY tipico di hende homber, pero tambe tin característica femenino. El a identifica como un hende muhe henter su bida, pero World Athletics a argumenta den corte cu e ta ‘biologicamente masculino’, un declaracion cu el a rechasa cu rabia.

Su storia ta un di e mas contencioso den sport desde cu el a yega como un desconoci



cu 18 aña di edad y a gana oro den campeonato mundial 2009 memey di un tormenta relaciona cu su genero.

El a gana dos titulo Olimpico y tres titulo mundial den

800m y ta e campeon Olimpico actual, pero ta prohibi di core su careda favorito desde cu aña pasa el a nenga di ricibi tratamento pa reduci su hormona.

Nepal ta cancela temporada di alpinismo di spring

KATHMANDU, Nepal (AP) — Gobierno di Nepal a anuncia ayera cu ta suspendiendo permiso nan pa escala montaña pa Mount Everest y tur otro cumbre den e pais pa motibo di preocupacion tocante e brote di corona-

virus.

E decision efectivamente ta shut down e sero mas grandi di mundo, ya cu China ya a cera su banda di Everest pa preocupacion similar. Everest ta den e frontera entre Nepal y China, y por subi e sero di

ambos banda.

Cerando e temporada popular pa alpinismo a traves di pais tabata un medida precaucionario pa blokea cualkier posibilidad di transmision di e virus, segun Surendra Thapa, un oficial cu departa-

mento di Turismo di Nepal, cu tambe ta otorga permiso.

Gobierno tambe a bisa cu ta cancelando tur visa di yegada pa turista, y cu esunnan yegando despues di diasabra lo ta suheto na 14 dia di cuarentena. Bishitantenan tampoco lo ta permiti a traves di frontera terrestre y mester biah a traves di e unico aeropuerto internacional, cu ta situa den e ciudad, Kathmandu.

Nepal tin ocho di e cumbrenan mas halto di mundo, y aventureronan cu bay na e pais pa subi nan ta un fuente significante di entrada pa gobierno, y pa e miles di trahado cu ta sostene e expedicionnan. Asina tambe otro turistanan cu ta yega e nacion Himalayo.

Hasta prome cu e ceramento, operadonan di expedicion na

Nepal a bisa cu cancelacion pa temporada di escala di spring tabata yegando.

Tabatin preocupacion pa e virus nobo y con e por transmiti entre alpinistanan bibando pa varios siman den e montañanan den tent comparti den temperaturanan extremo. Keintura, tosamento y griep ya ta comun entre alpinistanan.

Nepal te awo tin unicamente un caso confirma di COVID-19. E estudiante Nepali cu a bolbe cas for di un vakantie na China ya a recupera.

Scol den e pais a ricibi orden pa culmina aña academico pa proximo siman y cera, mientras a conseha ciudadanonan pa keda leu di reunion publico y evita biahe innecesario.



Premier League, Champions League ta cancela partido

DÜSSELDORF, Alemania (AP) — Premier League y Champions League ambos a keda suspendi ayera, mientras e caos di coronavirus ta continua haci impacto riba futbol.

Liganan Frances y Aleman tambe a cancela plan pa hunga e weekend aki. Despues cu Spaña y Italia anteriormente a haci movida similar, tur cinco di e competencianan nacional mas grandi di Europa awo ta suspendi.

Partidonan na Inglatera lo stop te cu sikiera dia 3 di april, despues cu cinco club di Premier League a bisa cu algun hungado of miembro di personal tabata den isolacion bolutario. Manager di Arsenal, Mikel Arteta a test positivo pa e virus, igual cu hala di Chelsea, Callum Hudson-Odoi.

UEFA a bisa cu ta stop e weganan proximo siman den tur competencia, incluyendo e dos partido faltando di Champions League cu no a cancela ainda – Bayern Munich vs. Chelsea y Barcelona vs. Napoli, ambos programa pa diaranson.

Weganan involucrando Juventus y Real Madrid ya a ser posponi pasobra e dos club aki a pone nan hungadonan den cuarentena.


Tin mas di 128mil caso y 4,700 morto mundialmente desde cu e brote di virus a cuminsa fin di aña pasa. Segun Organizacion Mundial di Salud, persona cu sintoma leve ta recupera den alrededor di dos siman.

E decision di UEFA ta bin cuatro dia prome cu un reunion pa dicidi kalender di futbol Europeo, incluyendo e posibel retraso di un aña pa Campeonato Europeo 2020.

Ocho partido di Europa League programa pa proximo diahuebs tambe a keda posponi. E draw pa cuart final pa Champions League y Europa League, programa pa proximo diabierna, tambe a keda posponi.

Ayera, Everton a bisa cu un di su hungadonan a reporta sintoma consistente cu coronavirus. Bournemouth despues a bisa cu portero di reserva, Artur Boruc y cuatro miembro di personal tambe tin sintoma. Leicester a bisa diahuebs cu tres hungadonan tin ‘un malesa extremadamente leve’.

E suspension na Inglatera tambe ta cubri Championship, League One, League Two y e top dos division femenino.



Liga Aleman tabatin plan pa tene weganan e siman aki den stadion bashi prome cu a vota pa un suspension te cu dia 2 di april. Algun ora despues a dicidi di cancela e weganan.

Den segundo division Aleman, dos hungado di Hannover 96 y un di Nuremberg a test positivo pa e virus. Club di Bundesliga, Paderborn a bisa cu coach Steffen Baumgart a test negativo pa e virus pero tabata wardando ainda pa resultadonan pa un cantidad no specifica di hungadonan.

Liga Frances a suspende tur wega indefinidamente despues di un reunion di emergencia, despues di un discurso nacional di presi-

dente, Emmanuel Macron. E liga lo reuni atrobe diamars.

Tambe na Escocia a pospone futbol te proximo aviso, algun ora prome cu wega tabata programa pa cuminsa. E medida aki tambe ta afecta un partido diadomingo di Old Firm entre rivalnan di Glasgow, Rangers y Celtics. Weganan domestico na Wales y Nort Irlanda tambe ta cancela.

E uniconan wantando den liganan top 10 di UEFA ta Rusia, unda algun weganan tin restriccion riba cantidad di sostenedo, y Ucrania, unda weganan ta tumando luga sin fanatico.

Cuatro luga den e line-up di 24 nacion pa Euro 2020 ai-

nda mester wordo dicidi den playoffs, programa pa dianan 25 y 31 di maart. Ta poco probable cu esakinan lo sucede na tempo.

Tabata spera cu lo tene torneo Euro 2020 den 12 nacion anfitrión. E plan ta rekeri team, fanatico y oficialnan pa biaha rond di e continente – un riesgo agrega pa transmision di e virus.

Despues cu mas di mita di e nacionnan anfitrión a suspende nan liga domestico, of lo hunga sin publico, Rusia a bisa cu ta dispuesto pa tuma extra weganan di Campeonato Europeo ademas di su cantidad actual di cuatro na St. Petersburg.

MLB curashando hungadonan pa bay cas despues di cancelacion di spring

MESA, Ariz. (AP) — Major League Baseball ta curashando tur hungado pa bay cas, un dia despues di cancela resto di schedule di training di spring y pospone dia di apertura pa sikiera dos siman, memey di e brote di novel coronavirus.

Parken di baseball na Florida y Arizona tabata cera diabierna mientras e deporte tabata considera con pa procede despues di un brote cu a stop schedule di deporte Mericano. Ekiponan a specula cu e temporada por no cuminsa te cu mei, necesitando un schedule reduci.

Hopi team a bisa mainta cu nan tabatin plan pa cera durante weekend y habri bek e camp dialuna. Comisionado di baseball, Rob Manfred a reuni ayera cu liderazgo di asociacion di hungadonan, y a tuma un decision pa curasha hungadonan pa bandona e camp atardi.

Presidente di Cleveland Indians, Chris Antonetti, a bisa cu nan ta tumando e maneho cu nan lo duna prioridad na salud y bienestar di e hungadonan, personal, nan famia, tur persona na e compleho deportivo y den e organizacion, y cu esaki ta evoluciona dia pa dia.

E mandato no ta obligatorio. En particular, hopi hungado di liga menor – specialmente di otro paisnan – ta sperando di por keda den camp, unda nan tin acceso na vivienda,

cuminda y facilidad di training.

MLB a recomenda cu scouts no haci biahe no-esencial, segun un persona familiar cu e discusion. E persona a papia bou condicion anonimo pasobra e liga no a anuncia e plannan aki.

NBA a suspende su temporada diaranson anochi despues cu hungado di Utah Jazz, Rudy Gobert a ser diagnostica cu e virus, y a bisa cu no tabata un sorpresa na hungadonan ora MLB a sigui cu un medida similar diahuebs.

No cu hungadonan no tabata asombra pa e interrupcion – John Lester tabata practicando den camp di Cubs momentonan prome cu e anuncio, y coachnan di Mariners a saca pitchernan for di e bullpen memey di sesion pa

duna e noticia.

Un dia despues di termina un biahe largo di un siman for di Chicago, fanatico Elaine Maddox a para pafu di compleho di spring training di Cubs ayera mainta, mirando a traves di heki cera na un campo bashi, yen di solo.

“Tiki tristo”, el a bisa. “Gasta tur e placa ey y tur cos, biniendo te aki. Pero ta miho cu bira malo.” El a agrega cu ta sostene e decision di MLB di suspende wega. Pitcher di Tampa Bay den liga menor, Peter Bayer a tweet diahuebs anochi cu el a tuma un trabou di entrega di cuminda, mirando e incertidumbre rond di su proximo salario di baseball. “Ken sa kico ta bay pasa cu pago di MLB”, el a skirbi. “Pues mi a dicidi di cuminsa core cu Door Dash awenochi.”



Zayhon Klaber no ta logra su clasificacion Olimpico

ORANJESTAD – Recientemente Taekwondista Zayhon Klaber no ta logra su clasificacion Olimpico Tokyo 2020.

Mester bisa cu Klaber a yega a clasificatorio Olimpico na Costa Rica den bon forma unda e la atende varios torneo y campeonan di entrenamiento den nos region, continente y na entre otro Hulanda. Den e prome rond na Costa Rica, Klaber mester a bringa un

peleador di Canada esta Andrew Park unda Zayhon a perde 14-6 contra di Park. Cu esaki tambe e soño Olimpico a caba pa Klaber pero no tin duda cu mirando cu ta su prome biaha e la duna bon bataya. Si nos wak su edad Klaber sigur lo por bay un a dos ciclo mas unda e lo ta mucho mas experiencia y madura. Pa hopi aña e campeon mundial Henk Meijer tabata entrenador di Zayhon Klaber.



Monica Pimentel no a logra clasificacion pa Weganan di Tokyo



ORANJESTAD - E atleta Olimpico, Monica Pimentel a keda cortico den su clasificacion pa e Weganan di Tokyo 2020.

Sin duda un di e speranza nan pa clasifica pa e Weganan di Tokyo 2020 tabata nos atleta elite den taekwondo, Monica Pimentel cu 4 aña pasa a logra sorprende tur hende logrando su clasificacion pa e weganan di Rio 2016. E biaha aki un bes mas Monica a conoce algun luna bon di preparacion cerca e maestro

Julio Ramos na Monterey, Mexico. Recientemente Monica a saca tremendo resultado den torneonan bishita logrando varios lugar riba podium. Awe diahuebs den e torneo di clasificacion na Costa Rica, Monica a bringa un bon prome combate unda e ta logra gana su contrincante Sofia Tournier di Argentina den un tremendo combate. Despues Monica ta topa e number 1 ranked di e torneo di clasificacion esta Talisca Reis di Brasil unda Monica

tabata gana 4 - 2 pero den e ultimo 2 seconde a perde pa e punto final cu scop na cabes. Mester bisa cu den e pelea aki Monica a logra subi su score faltando 10 seconde pero e la faya na ultimo unda e no a sak bon y ta haya punto decisivo den su contra. Asina tambe Monica ta mira su soño Olimpico termina unda e no ta logra su clasificacion pa e weganan di Tokyo 2020. Mas cu claro e pregunta ta keda cu si Monica lo bay un ciclo mas of ta stop como atleta elite den taekwondo.

Torneo Himno y Bandera 2020 ta continua na Aruba Juniors

ORANJSTAD - Diadomingo cu a pasa a continua na tereno di Aruba Juniors e torneo anual Himno y Bandera.

Ya ta dos siman cu e teamnan di tanto Liga 50 y 60 ta batayando pa un puesto den e finalnan. Liga 60 su final lo ta dia 18 di maart mientras cu di Liga 50 lo ta dia 29 di maart. Den Liga 60 Pouule A, Aruba Juniors a clasifica pa final despues cu nan a gana Surprise cu score di 7-5 y Boomerang 2-1 den un wega cu a bay dos inning extra. Den e B, Astros lo enfrenta Janni's diadomingo awo. E ganado lo enfrenta Aruba Juniors den e gran final di Liga 50. Esaki lo

tuma lugar dia 18 maart.

E dos finalistanan lo enfrenta Jaws y Los Amigos di Corsou dianan 21 y 22 di maart 2019. Boomerang lo enfrenta e perdedo Astros Janni's pa di 3 y 4 lugar.

Den Liga 50 lo enfrenta otro diadomingo awo pa 11or Astros y Aruba Juniors, Sigui pa Bambino's contra San Nicolas Stingers, Master Cargo contra Deco's y pa sera e fecha Racqueteers lo enfrenta Surprise. Dia 18 di maart lo tin e custuma actividad unda cu lo reconose doa valuarte den deporte. Bo ta Invita... Manera custumber bar y cushina lo ta bon surti.



Parlamentario Richard Arends (AVP):

‘Gobierno no tin hustificacion pa saca 140 miyon atrobe for di economia’

ORANJESTAD - Un delegacion di fraccion di AVP a reuni cu Banco Central diaranson mainta riba e pronosticonan economico pa e añanan nos dilanti na vispera di introduccion di e di dos fase di e reforma fiscal cu Raad van Advies a categorisa como un acumulacion mas di impuesto. “Ya caba nos por a mira con den 2018 y 2019 gobierno a ranca 270 miyon for di nos economia na medidanan introduci bou capa di un ‘reforma fiscal’ y e aña aki gobierno lo bay randa 140 miyon mas.

Comercio, empresanan mediano y chikito, trahadonan independiente y tur consumidor lo wordo afecta gravemente cu introduccion di un BBO nobo di 6% na frontera den combinacion cu aumento di deviezenprovisie. E medida aki ta mishi esun cu mester bay importa cualkier ekipo of instrumento cu e tin mester pa bay haci su trabou, ta pone cu su gastonan di operacion ta bira mas halto y lo

afecta e pueblo consumidor finalmente.

Gobierno tin intencion di limita deduccionnan di winstbelasting cu ta haci inversionnan na Aruba atractivo. Tambe ta elimina e regimen fiscal IPC, cu ta un regimen cu no ta solamente ta atractivo pa hotelnan pero pa tur empresanan cu kier bin inverti den turismo medido, den innovacion, den sostenibilidad y economia di conocimiento.

Mucho otro incentivanan fiscal no ta keda y obviamente tur esakinan tin un efecto riba economia aworaki y den futuro, como tambe e clima di inversion di Aruba. Esaki ta algo cu Raad van Advies tambe a trece dilanti den nan consejo na Gobierno.

Raad van Advies tabata hopi enfatico bisando cu introduccion di medida no ta e unico manera, pa yega na e norma. Sigurmanete reduccion di gasto ta clave pa logra esaki, pero no tabata tin ningun intencion genuino di gobierno

haci esaki.

E medidanan cu gobierno a bin ta tuma tin un efecto riba termino cortico, pero despues di algun aña gobierno tin un problema serio, ya cu esaki ta bay tin un efecto hopi grandi riba economia y finansa publico.

E 140 miyon extra cu gobierno ta haya cu introduccion di e reforma fiscal, ta 140 miyon menos tin cu ta draai den nos economia. Esaki ta algo ta hopi preocupante y fraccion di AVP a trece esaki na conocimiento di Banco Central.

Gobierno no a studia e efecto economico di e medidanan aki. Riba dje gobierno no a bin cu ningun incentivo. Na momento cu Raad van Advies a trece dilanti su preocupacion riba con Gobierno lo contraresta e efecto negativo riba nos clima di inversion, poder di compra, competitividad, inversionan, turismo – mirando e factornan externo manera e coronavirus cu ta bay tin efecto riba nos tur-



ismo y ya caba varios instancia y stakeholders a alerta riba esaki gobierno simplemente a contesta cu e efectonan lo ta minimo pasobra ‘nos por papia cuater idioma, nos tin un bon infraestructura y nos tin un bon cuido medico’.

Segun Arends, e contesta di Gobierno falta tur seriedad. E factornan aki ta inherente

na nos sociedad y no ta forma parti di un maneho economico. E factornan aki no ta bay mitiga e efecto di 270 miyon cu a wordo ranca di economia den e periodo 2018-2019, ni tampoco e 140 miyon pa e aña aki,” Parlamentario Richard Arends a muestra na salida di e reunion cu Banco Central.

Rudy Richardson (MEP):

‘Nos mester sigui inculca amor, respet y tolerancia pa tur conciudadano irrespecto nan origen, rasa, religion of credo’

ORANJESTAD - Cada pais tin su historia y di nos no ta diferente. Aruba a sa di crea un sociedad unda cu cada generacion ta sinti un amor genuino pa e

teritorio aki. E sentimento aki ta algo noble y no por defini esaki den palabra. Psicologo por interpreta esaki como ciencia, pero e amor pa un territorio sea

bo a nace na Aruba of a bin biba aki no ta algo cu por hunga cune. Nos ta un pueblo multiétnico, multicultural y multinacional anto nos no mester buta

un grupo di nos sociedad riba otro. Nos mester sigui inculca amor, respet y tolerancia pa tur conciudadano irrespecto nan origen, rasa, religion of credo. Den nos constitucion esaki ta hancra tambe pero tin biaha mester buta enfasis riba esaki.

Como candidato politico di Movimiento Electoral di Pueblo den calidad di secretario di Inclusion y Integracion (2019-2021) mi meta ta pa yuda crea un sociedad mas husto den tur sentido. Den e meta aki mi a pidi aprobacion di nos Directiva y Consejo di partido pa nos cuminsa hisa bandera di diferente pais na nos Cede riba nan dia nacional of di importancia como simbolo di respet y solidarismo. E meta di esaki ta pa conscientisa nos digno pueblo di Aruba pa conbibi mas cu esnan di paisnan den region. Un respet mutuo ta e meta. Mi ta kere cu si nos cuminsa aprecia otronan nan contribucion na nos Isla, nos lo por hiba Aruba den desayonon mucho mas amplio

y concreto. Den tur cambio ta bin resistencia pero pa nos un organisacion politico cu ideologia social democrata esaki no mester ta un problema, al contrario esaki ta nos punto di salida pa enfoca riba un solo pueblo di Aruba.

Mi ta cera cu un quote di nos Libertador Betico Croes efin: “Mi ta pidi merito pa e pueblo di Aruba cu a percurador di su inteligencia, audacia y perseverancia cu nos ta asina leu. Na tur generacion cu ta na bida awe e tratamiento aki ta den e espiritu di rindi homenahe na e pueblo. Pero pa esnan cu a bay caba, cu a lucha y no a mira e libertad aki realisa, alabes nos ta rindi atributo na nan, pasobra ta nan a pone e base pa nos a sigui traha. E pueblo aki merece un pedestal. P’esey e “Monumento di Libertad” di nos pueblo, no solamente mester ta un monumento den cual cada Arubiano, di acuerdo cu su historia, cultura y identidad ta reconece su mes.”



Scol basico Reina Beatrix a celebra himno y bandera cu prome minister

ORANJESTAD - Diahuebs mainta, Prome Minister Evelyn Wever-Croes a bishita Scol Basico Reina Beatirx relaciona cu nos dia nacional, Dia di Himno y Bandera na unda el a wordo ricibi pa muchanan contento y entusiasmo hunto cu Cabesante di scol Juffrouw Rosalinda Granger y docentenan. E scol a brinda Prome Minister un bunita show cultural na su yega-

da cu canticnan popular.

Klasnan 6 A y 6 B a haya bishita di Prome Minister den klas na unda tawata tin un interaccion hopi special. Prome Minister a keda contento cu e interes di nos muchanan pa conoce mas di e historia di nos simbolonan nacional. Alumnnonan na final, a desea e Premier un feliz dia di Himno y Bandera.

Prome Minister a elogia e

maestronan pa a tuma tempo pa siña nan klas e historia di nos himno y bandera. Dia 18 di maart, Aruba ta celebra un di e logronan grandi di Betico Croes, of cu Betico a contribui na nan grandemente, esta nos Himno y nos Bandera, simbolonan di union y identidad di un pais. Tambe e hecho cu awe Aruba tin su propio gobierno, su propio ministernan, su propio Parlamento, su propio moneda. Y tur esaki a inculca

e sentimento di orguyo den nos Arubanonan. Gobierno su meta ta pa e historia aki hamas wordo lubida.

Na e scol aki, Prome Minister a ricibi hopi interes di nos muchanan tocante e Corona Virus y Prome Minister a tuma tempo pa duna splicacion completo riba e tema aki y con Gobierno ta preparando riba e situacion aki. Prome Minister a enfatisa cu ainda Aruba no tin niun caso pero

ta haciendo tur preparacion y ta pidi pa pueblo keda calmo.

Prome Minister na final a entrega un booklet cu informacion di nos Himno y nos Bandera y un pamfleta di Competencia Escolar di Pintura. Muchanan mester pinta y corta e pintura riba e liña indica y entrega esaki na scol prome cu 27 di maart 2020



Alan Howell ta para 100% tras di trahadonan di hulpbestuurskantoor

ORANJETSAD - Parlamento Alan Howell a comenta riba e situacion di hulpbestuurskantoor San Nicolas, unda recientemente e trahadonan a walk-out debi na e situacion di e edificio.

El a bisa cu e personal di hulpbestuurskantoor a dicidi di walk-out pasobra nan ta sinti cu ta basta, cu nan salud ta den peliger mirando e schimmels cu tin y cu ta afectando nan curpa. “Ami, Alan Howell ta para 100% tras di e trahadonan aki, pasobra ningun hende lo kier traha den un ambiente cu ta trece bo salud na peliger. Tur hende sa cu ora ta trata di San Nicolas, bo ta haci mi un tiki extra dolor”.

E parlamentario di POR a indica tambe cu ora el a haya

sa di e situacion, el a tuma contacto di biaha cu Prome Minister. E ta gradici Premier Wever-Croes pa dun’e e contesta y tranquilidad cu e trahadonan no ta den e edificio ey mas y cu ta buscando un solucion a corto plaso pa sigui cu e servicio cu hulpbestuurskantoor San Nicolas ta brinda.

Riba esaki e ta expresa enfaticamente cu e no ta desea pa e servicio aki bay otro caminda cu no ta San Nicolas y p’esey e ta haci e yamada y peticion na Prome Minister y Minister di Infraestructura pa busca un edificio na San Nicolas caminda cu e operacion di hulpbestuurskantoor por sigui draai normal sin cu pueblo di pariba di brug, di San Nicolas mester sali perhudica.



Parlamentario Rocco Tjon(MEP):

Introduccion di fact-teams ta duna resultado positivo

ORANJESTAD - Riba peticion di Parlamento, miembronan di e comision fiho di Husticia den Parlamento a haya un presentacion amplio di “veiligheidshuis”. E reunion tawata cu sBeurnice Schulte. Schulte ta procesmanager veiligheidshuis y di profesion un ortopedagogo y terapeuta di famia.

Kico ta un Veiligheidshuis Den practica e veiligheidshuis, cual ta resorta na Ministerio Publico, ta percura pa un

cooperacion entre e diferente organisacionnan den e cadena hudicial, social y cuida. Algun partner ta entre otro Ministerio Publico, FCCA, FMAA, Directie Onderwijs, KIA y Cuerpo Policial. E partnernan aki ta traha hunto pa a traves di accionnan proactivo y integral yega na solucionnan pa hobennan cu ta riba e rumbo robes, pa casonan di violencia domestico, pa casonan di abuso, pa situacionnan cu ex detenidonan ta haya nan mes aden y pa casonan caminda personanan

ta causa molester pa orden publico.

Na prome instancia ta trata akinan cambio di e manera di traha pa e cadena. Na mes momento literalmente tambe e oficina ta fungi como un cas, caminda tur e profesionalnan di e diferente partners menciona ta sinta hunto pa dicidi kico ta e miho maneho pa atende cu e diferente casonan cu ta wordo presenta. Esaki ta percura pa casonan por haya solucionnan mas rapido y duradero.

Meta di e Veiligheidshuis

E meta principal ta pa preveni recidivismo y problemanan den nos comunidad. Pues brinda cuida na esnan cu tin mester di esaki y percura pa seguridad. Na mes momento nan tin un funcion pa señala problemanan trempan, atende cu esaki na un manera integral, pa asina evita cu e ta bira un problema mas grandi.

E enfoka ta riba hobennan cu ta core riesgo pa cay den criminalidad of adiccion. Per-

sonanan cu tin problemanan di salud mental y adiccion, y cu mester di ayudo psiquiatrico. Pero tambe ta brinda atencion na victimanan di violencia domestico. Den su totalidad e trabounan mester percura pa un solucion rapido pa e gruponan aki pa asina preveni, un asina yama ZSM-aanpak.

Fact teams

Un punto cu a wordo treci pa dilanti ta e resultado positivo di e introduccion di “factteams” E idea di Fact Teams tawata pa enfoca riba problema di adiccion Cerca muchanan y hobennan y brinda e cuida ambulatorio. E dunado di cuida ta bay na cas di e famia y yuda esun cu ta den problema. Sra. Beurnice a duna di conoce cu e mas di 200 casonan cu nan a atende cune aña pasa, e parti di mas grandi tin di haber cu aspectonan di adiccion. Fact Teams ta un idea y proyecto di Minister Dangui Oduber y a wordo introduci na 21 di september 2019.

Pa conclui

Un peticion cu a wordo haci na e Parlamentarionan presente ta pa wak e posibilidad pa amplia e cantidad di Fact Teams, esaki mirando e resultado positivo. Fraccion di MEP lo haci preguntanan por escrito pa wak e posibilidad pa logra esaki den e presupuesto 2020.



Minister Maduro a presencia premiere di 'Huicio Perfecto'

ORANJESTAD - Diahuebs anochi Minister Maduro tabata presente na e estreno di e pelicula 'Huicio Perfecto' na Principal Theater na San Nicolas.

E dignatario a felicita full e ekipo di 'Huicio Perfecto' pa e bunita produccion local y ta extende un invitacion na Pueblo di Aruba pa pasa wak e pelicula ya asina aprecia y sostiene e esfuerso y talento di nos hendenan local.



*Stichting Avondonderwijs
Aruba:*

Fecha pa inscribi pa e instaptoets di Avondmavo pa aña escolar 2020-2021

ORANJESTAD – Directiva di Stichting Avondonderwijs Aruba (SAA) kier informa e comunidad di Aruba cu for di dia 13 di maart te cu dia 29 di maart tin e posibilidad pa inscribi pa e instaptoets di Avondmavo.

E instaptoets aki ta pa personanan cu kier inscribi pa e aña escolar 2020-2021 den klas 2 pero no ta cumpli cu e exigencianan necesario pa por drenta Avondmavo.

E rekisitonan pa drenta den klas 2 ta lo siguiente:

1. Bo tin 16 aña of mas di edad;
2. Bo tin un rapport di klas 2 di mavo school of bo tin un diploma di EPB niveau uitstroom of doorstroom.

Den caso cu no ta cumpli cu e rekisitonan aki lo mester participa na e instaptoets. E instaptoets aki ta determina si bo lo por bin na remarce pa inscribi pa drenta klas 2 di Avondmavo den e aña escolar nobo.

Pa inscribi pa e instaptoets ta rekeri lo siguiente:

1. Un copia di un ID valido;
2. 25,- florin di inscripcion. E suma aki por wordo paga via banco of via swipe na oficina di Avondmavo. Number di banco: CMB 644.893.03. Please tene na cuenta cu no ta tuma efectivo (cash). Nota ora di paga via banco bo number completo.

Inscripcion ta tuma lugá via nos website: www.avondmavoaruba.com

Despues di inscribi online mester trece e rekisitonan menciona na oficina di Avondmavo (EPI, Sero Blanco z/n) durante orario di oficina 8:00am-16:30pm. Tene cuenta cu e inscripcion ta completo ora tur documento ta entrega.

E instaptoets ta tuma lugá dia 22 y 23 di april 2020, parti mainta.

Pa cualkier informacion por tuma contacto cu oficina di Avondmavo na telefoon: 583-3779 of via mail na info@avondmavoaruba.com.

BONDIA
ARUBA

**BISA
NO NA
ABUSO**

Abuso di mucha ta tur forma di agresion fisico, emocional, sexual y negligencia cu por pasa cu mucha entre 0 - 18 aña. E abuso tin consecuncianan serio pa e desaroyo di e mucha.

Mucha tambe tin derecho

AD PATRES
funeral home
Ta participa fayecimento

Van Rensselaerstraat 2
Tel. 584-2299 - 7372299
Family owned and operated
Since 1997

**Señor ta mi wardador,
mi n tin falta di nada;
Den cunucu di yerba berde,
E ta ponemi sosega.
E ta hibami na awa tranquil,
pa mi bolbe hanja forsa. Salmo 23:1,2,3.**

Cu inmenso dolor na nos curason, nos ta anuncia fayecimento di:




Carmen Yarzagaray-Werleman
* 17-7-1939 † 12-03-2020

**Ta invita tur amigo, bisiña y conocirnan
pa asisti na e acto di entierro cual lo wordo
anuncia despues**

**Royal
Aurora**
Funeral Home & Crematory

ANUNCIO DI MORTO

A fayece



Sr Mario Pascual Maduro
*12-11-1963 +13-03-2020

Acto di entierro lo ser anuncia despues.

**Royal
Aurora**
Funeral Home & Crematory

**Amor y fieldad ta topa, husticia y pas ta brasa otro:
Fieldad ta brota for di tera y husticia ta baha for cielo.
Husticia lo bai dilanti y pas lo sigui den su paso (salmo 85,10)**

Conforme cu boluntad di Dios y gradecido na loke el a haci y nifica pa nos,
nos ta participa fayecimento di



Sr. Vdo Jacobo Eckmeyer

Mihor conoci como **Coco**

*07 -Feb-1934 - 12 -Mar-2020

ex - chauffeur di Arubus

Casa di defunto Imelda Eckmeyer-Bermudez

Acto di entierro lo wordo anuncia despues.

Oportunidad pa condolencia : na cas
Boegoeroei # 32 di 7:00 pa 9:00 di anochi.

**Royal
Aurora**
Funeral Home & Crematory

**Señor ta mi wardador, mi n tin falta di
nada**

**Den cunucu di yerba berde e ta ponemi
sosega.**

E ta hibami na awa trankil,

Pa mi bolbe haña forsa.

Salmo: 23

**Cu dolor na nos curason, nos ta anuncia
fayecimento di nos ser stima:**



Sr. Jozef Leo Geerman

Mihor conoci como **Leo**

*28-06-1947 - 12-03-2020

**Acto di entierro lo wordo
anuncia despues**



□Nan a ataca mi na momento fatal, pero Señor a duna mi su apoyo. El a hiba mi cunE na un luga espacioso, El a libra mi pa motibo cu E tabata stima mi. □Salmo 18:18-19

A fayece cristianamente



Jesus Emanuel Flanegin
mihor conoci como: Nel of Roger
10-05-1956 □09-03-2020

Na number di su:
Rumannan:

□Victoriano (Vito) y + Nanachi Thiel Croes
Henrique (Chino) y Leichin Thiel Ignacio
+ Fernando (Elio) Flanegin
Mathilda (Thilda) y Henny Laclé Flanegin
Jan Willem (Wim) Flanegin
Angel (Chonai) y Ynes Flanegin Ramos-Lanoy
Jan Hendrik (Jenny) y Omaira Flanegin Lugo

Compañera
Carmen Zenaida Rebolledo

Tantanan
Johanna Albertsz
Sira y Belin Dabian

Tur Subrinonan:
Victor, Eric, Robert, Ilienue, Annaly, Rayron y nan famia
Enry, Elvis y nan famia
Paola, su unico iha y manera yiu Lisette, Suzette y nan famia
Aldwin y famia na New York
Angel y famia, Jereld
Shannon, Sean, Sam

Cuñá: Jessica Franken

Tur primo y primanan, tur su bisinanan di Sabana Grandi, ex Coleganan di D.O.W. y Aeropuerto, coleganan di futbol, softball, amigonan, (mucho hopi pa menciona), demas famia Flanegin, Angela, Thiel, Laclé, Croes, Ignacio, Ortiz, Ramos-Lanoy, Lugo, Lampe, Maduro, Dirksz, van Engelen, Rosel, Carolina, Willems, Tromp, Albertsz, Dabian, Erasmus, Franken, Rebolledo, Martijn, Hirschfeld, Phillip, Vrolijk, Kelly, Eduwardo, Henriquez, Mitchell y Nijenhuis, tur simpatisante di Partido Movimiento Electoral di Pueblo (M.E.P) y demas famia.

Ta invita pa condolencia diabierna 13 Maart 2020 di 7or □ 9or di anochi na Aurora Funeral Home. Entiero lo tuma lugar dialuna 16 Maart 2020 di 9or - 11or di mainta na Aurora Funeral Home y despues lo sali pa Santana Catolico Santa Maria na Sta. Cruz.
Despensa nos si nos por a lubida di menciona cualkier famia of conocer den e momentonan dificil aki.



Hesu a bisa "ami ta resurreccion y bida; esun cu kere den Mi, lo biba asta si e muri" (Juan 11.25)

Cu inmenso tristesa na nos curason pero conforme cu boluntad di Dios nos ta participa cu a fayece cristianamente nos mama, suegra, wela y bisawela stima:



Sra. Florentina de Cuba-Brete
Mihor conoci como "Flora"
*22-12-1936 – †09-03-2020
Vuuda di Sr. Antonio de Cuba.

Na number di su

Yiunan: Edna de Cuba y yiu
Jolanda y Fransisco Limonier-de Cuba
Mirna y Jossy Koolman-de Cuba
Mirto y Miriam de Cuba-Tromp
Eveline de Cuba
Wilfred y Mirla de Cuba-Tromp
Ilse y Aldrich Arendsz-de Cuba

Nietonan: Josmira y Cedric Gei,
Josmar Koolman y Rachell Semeleer
Jolitza Limonier,
Janine Limonier y Robert Tromp
Hildomar Limonier y yiu
Milton de Cuba
Mirjenne de Cuba y Julio Jacobs
Mitchell y Dieunie de Cuba
Wilbert de Cuba
Mirlaine de Cuba y Kevin Simileer
Giandrick Arendsz y Sara Vrolijk
Marc Arendsz

Mescos cu nieto: Gabriel Boekhoudt

Bisanietonan: Jossy-Anne Gei, Kayley Wernet, Jayron Tromp,
Dayomar y Dayler Limonier, Jylan y Keithan

Jacobs

Emilienne de Cuba

Mama di su bisanietonan: Dajana Semeleer
Julissa Ras

Rumannan: †Reineta y †Pedro Boekhoudt y famia
†Bernadina y †Gerald Thode y famia
†Catalina y †Miguel Carasquero y famia
†Elizabeth Brete y famia

Swa y cunjanan: †Juan y †Monica de Cuba y famia
†Louis y †Christofera de Cuba y famia
†Mario y Theresita de Cuba y famia
†Hipolita y †Jose Tromp y famia
Zr Renata o.p.
Rosalinda de Cuba

Sobрино y sobrinanan, primo y primanan, ihanan, comer y compernan,
Su bon bisinanan Petra Boekhoudt y famia, Chito y Nena Odor.
Subrina jega na cas: Rosaria Carasquero.

De mas famia; Brete, de Cuba, Limonier, Koolman, Tromp, Arendsz, Gei, Semeleer, Jacobs, Mardy, Ras, Simileer, Vrolijk, Wernet, Boekhoudt, Thode, Carasquero, Everon, Webb, Oduber y Kelly.

Ta invita tur famia, bisina y conocirnan pa asisti na e acto di entierro cu lo tuma lugar diasabra 14 di maart 2020 pa 11or di mainta saliendo for di Misa Santa Filomena na Paradera y despues pa Santana Catolico Pastoor Kranwinkel na Paradera. Nos defunto stima lo ta reposa for di 9 or di mainta den Misa Santa Filomena na Paradera.

Nos kier a pidi nos disculpa si den nos tristeza nos por a lubida un of otro familiar.



□Señor a trata mi segun mi bon conducta, E la recompensa mi pa mi man nan limpi, pasobra mi a sigi Señor su camindanan y mi no a peca bira lomba pa Dios. Tur Su decretonan m'a tene mi dilanti, nunca mi no a rechasa su mandamentonan. □
Salmo 18:20-22

Tres luna despues di a despedi di su querido esposo, a habri su halanan pa bula bay serca dje, nos dushi mama, wela, bisawela y ruman:



Sra. Imelda Feliciano - Tromp
Viuda di Maximo "Chomon" Feliciano
*29-09-1933 - †10-03-2020

Na number di su

Yiunan: Haime y Ina Feliciano - Giel
Shirley y Luty
Geerman-Feliciano
Jacqueline (Jacky)
Feliciano

Nietonan stima: Ryne y Saloua Feliciano-Tahrda
Jary-ann Geerman
Ixanja Feliciano

Bisanietonan: Denixon Fang
Jessim Feliciano
Senna Sofia Feliciano

Pia di morocho stima: Rosa van de Poel-Tromp y famia
Rumannan: Epifanio y Filomena Tromp-Croes y famia
Fabian Tromp y Juana Barros y famia

Swa y cuñanan: Sita Tromp-Hill y famia
Ida Tromp- de Lange y famia
Edith Tromp- Croes y famia
Harry (Chonay) y Mona Feliciano-Ras y famia
Louisa Feliciano-Winterdaal y famia

Bon bisinanan: Tuty y Zilfrith Maduro y famia
Elbert Brunal y famia
Rodrigo y Derlyn Ramirez y famia

Amigonan di cas: Cathy Ruys Poodt y famia
Helen Koolman-de Bie y famia

Ayudantenan: Elvira Bejarano
Ghislaina Sain Same

Ihanan: Silvia Fingal
Anselmo Pontilius
Sonny Vrolijk
Carina Tromp- Van de Poel
John Petrochi
Mildred Navas
Ronnie Feliciano
Jolanda Mathilda Werleman

Tur su subрино y subrinanan, primo y primanan, comper y comernan, Grupo Magdalena y Blue Army.

Ta invita pa asisti na acto di entierro cual lo tuma lugar diasabra 14 di maart 2020. Nos defunto stima lo ta reposa for di 2'or pa 4'or di atardi na Aurora Funeral Home, despues lo sali pa Santana Catolico Pastoor Kranwinkel na Paradera.

Boso atencion na despedida di nos Imelda (Meya) stima lo ta altamente aprecia.



Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 13 Maart 2020 Anochi


CATACHI
Sorteo # 7034
3300
0871
2673
BIG 4
Sorteo # 6078
2508
OFF
Sorteo # 783
7997
ZODIAC
Sorteo # 4837
9880
Piscis
KORSOU
Sorteo # 2699
7340
1369
0152

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	
	500.000,-

LOTTO DIA	
Sorteo # 5060	Proximo Jackpot
0x Jackpot	
2x Match 4	
129x Afl. 8,00	
	51.000,-

MINI MEGA	
Sorteo # 1246	Mega Ball 07
0x Jackpot	
1x match 4	
6x Afl. 500,00	
58x Afl 50,00	
52x Afl.15,00	
	340.000,-

MINI MEGA	
MEGA PLUS	Afl. 440.000,-



DIARIO 8159-2051-9486

SUPER 4 6063

Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 13 Maart 2020 Merdia

CATACHI
Sorteo # 2856
8957
6304
6522
BIG 4
Sorteo # 2856
6964
OFF
Sorteo # 912
0063
ZODIAC
Sorteo # 2856
5845
Geminis

LOTTO 5	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	
	500.000,-

LOTTO DIA	
Sorteo #	Proximo Jackpot
0x Jackpot	
0x Match 4	
0x Afl. 8,00	
	50.000,-

MINI MEGA	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50,00	
0x Afl.15,00	
	330.000,-

MINI MEGA	Afl. 430.000,-
------------------	-----------------------



Aries

Un amigo sincero lo yuda bo e dia aki. Lo bo representa e number di un di e horoscopnan, asina ta, actua como tal. Ora bo ta unico, bo no mester ten miedo. Numbernan pa awe: 7, 14, 33 y 34.



Tauro

No mira e cosnan superficialmente, profundisa bo mes den bo sentimentonan. Si tabata tin situacionnan di separacion, bo ta den e proceso di reconciliacion. Numbernan pa awe: 9, 24, 35 y 44.



Geminis

Bo intuicion lo sirbi bo pa aclaria dudanan. Si bo combina lo miho di bo signo cu e intuicionnan cu lo bo ricibi awe lo bo por reconkista e amor asina desea pa bo. Numbernan pa awe: 19, 21, 27 y 35.



Cancer

No molestia bo mes cu hendenan negativo. Concentra bo mes y lo bo wak con bo lo resolve e problemanan cu ta bin ta lastrando bo for di aña pasa. Numbernan pa awe: 4, 12, 22 y 36.



Leo

Un hende lo trece un noticia hopi agradabel. Si bo bay tin un cita, e lo sali hopi bon y pronto lo bo cuminsa cosecha e resultadonan sentimental cu lo cambia bo bida. Numbernan pa awe: 10, 30, 35 y 46.



Virgo

Un deseo ta wordo cumpli. Si bo priminti algo, percura pa bo por cumpli cun'e, ya cu si bo papia di forma impulsivo basa riba un emocion, por pone bo den problema. Numbernan pa awe: 11, 24, 32 y 44.



Libra

Concentra bo energia den bo propio asuntonan. Si bo ta feliz na e momentonan aki, no ta prudente pa trece awor aki loke a pasa den pasado. Bo bida ta pasando awor aki. Numbernan pa awe: 16, 25, 32 y 45.



Scorpio

Lo o sinti bo mes recompensa emocionalmente. Cu e influencia planetario lo bo por comproba con tur cos cu ta haci bo emocionalmente daño lo aleha. Numbernan pa awe: 12, 21, 27 y 38.



Sagitario

Luna den bo signo, lo pone bo rectifica un eror y lo bo sinti bo mes miho. Lo spera bo un bon noticia di un hende cu ta leu for di bo, pero ta yega na bo den e proximo dianan. Numbernan pa awe: 5, 14, 27 y 31.



Capricornio

Venus den bo signo lo envolve bo den un cantidad di gasto y compra. Esaki ta un dia hopi importante pa abo, ya cu e planeta di amor ta drentando den bo signo. Numbernan pa awe: 19, 23, 39 y 46.



Aquario

Lo bo bay scucha algo cu lo causa bo admiracion. Corda cu den e momentonan aki Luna ta den un signo di candela. Hopi espontaneo y habri pero alabes hopi reflexivo. Numbernan pa awe: 2, 25, 39 y 46.



Pisces

Cuidado cu atracado y abusado. Esaki ta un ciclo di revelacionnan sentimental. Posiblemente lo bo descubri cu un hende ta stima bo den silencio. Numbernan pa awe: 10, 13, 29 y 38.



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Hende
Muhe den Dificultad**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad

Hospital
7:00 pm / 10:00 pm

San Nicolas

Dr. Ramautar
Imsan

Botica na warda

Oranjestad:

Eagle
Tel. 587 9011

San Nicolas:

San Lucas
Tel. 584 5119

Servicio di Taxi

Aruba Transfer Tour & Taxi C.A.

Pos Abao #41
P.O. Box 723 Aruba
Tel: 582 2116 / 582 2010
Fax: 583 6988

Taxi Adres Services (24h)

L.G. Smith Blvd. #234
Oranjestad Aruba
Tel. 587 5900
Fax: 587 1928
E-mail: tas@setarnet.aw



A1 Taxi Services Aruba

Moko 56 T
Tel: 587-8850
Tel: 280-2828
Whatsapp: 592-7024
E-mail: a1taxiservices.aruba@hotmail.com

Schedule Maart 2020

			ARR	DEPT	BERTH
TUE	10	FREEDOM OF THE SEAS	08.00	21.00	B
		MARELLA DISCOVERY 2	08.00	23.00	C
WED	11	MEIN SCHIFF 2	07.30	20.00	B
		ZUIDERDAM	13.00	23.00	C
		FREEWINDS	06.00	****	E
THU	12	CARNIVAL HORIZON	08.00	16.00	C
SUN	15	MS SEVEN SEAS EXPLORER	09.00	19.00	C
		FREEWINDS - DEPT.	****	23.15	E
TUE	17	CELEBRITY SUMMIT	08.00	17.00	B
		BRITANNIA	08.00	18.00	C
WED	18	MONARCH	07.30	15.30	C
		FREEWINDS	06.00	****	E

EMERGENCIA

911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

Centrale Bank van Aruba Daily Exchange Rates - 03/13/2020



Currency ¹	Buying from Public ²	Buying from Public ³	Selling to Public
ANG	98.00	100.00	100.20
ANG1 ⁴	-	-	100.00
USD	1.77	1.78	1.80
CAD	1.27	1.29	1.31
CHF	188.30	189.02	189.82
GBP	2.18	2.23	2.29
JPY	165.89	167.40	169.08
EUR	197.09	198.89	200.89
DKK	25.63	26.35	27.15
NOK	16.74	17.46	18.26
SEK	17.25	17.97	18.77

For amounts up to Afl. 100,000



Dienst Inspectie van het Onderwijs y Bureau Leerplicht ta muda

ORANJESTAD - Dienst Inspectie van het Onderwijs y Bureau Leerplicht ta participa cu nan lo ta cera pa publico entrante diahuebs 19 maart 2020 en conexion cu mudamento di e departamento y bureau aki.

Entrante dia 6 di april 2020 Dienst Inspectie van het Onderwijs y Bureau Leerplicht lo ta ubica na John F. Kennedy Education Center, Stadionweg 38.

Tambe ta participa cu e numbernan di telefon a cambia. E numbernan nobo ta lo

siguiente:
Dienst Inspectie van het Onderwijs: telefon 281-6015

Bureau Leerplicht: telefon 281-6000

Alabes ta informa, cu entrante dia 6 di april 2020 lo atende publico na nan adres nobo.

Tene cuenta cu nos grandinan

Departamento di Salud Publico, Seccion Cuido di Nos Grandinan ta pidi pueblo

ORANJESTAD - Ta confirma cu na Aruba tin dos caso di e Coronavirus Covid-19. Pa e motibo aki cu ta pidi e comunidad pa porfabor ban hunto y proteha e grupo mas vulnerable, cu ta nos Grandinan.

Si bo ta sinti sintomanan di griep manera keintura, tosamento of problema pa hala rosea, porfabor tene cuenta cu lo siguiente:

Si bo tin mayornan, welo/wela, tanta/omo grandi, porfabor no bay haci bishita.

Si bo famia ta den un cas di cuido, porfabor no bay bishitanan

Tuma contacto via telefon cu bo grandi y splica pakico bo lo no por bin di bishita

Pa personanan cu tin un familiar den un cas di cuido, porfabor tuma contacto cu e gerente di e cas di cuido y puntra nan pa informa kico nan mancho ta pa haci bishita den e proximo simannan.

Porfabor como famia traha

un plan hunto con pa prepara pa yuda y proteha un familiar di edad halto. Sea ta cu alimentacion, suplimentos, hopi awa y pa nan tambe laba man y haci uzo di hand sanitizers cu ta contene 60% di alcohol.

Si bo persona tin sospecho cu bo familiar di edad halto por tin Coronavirus.

Yama dokter di cas y/of e coronavirus call center na #280-0101

Seccion Cuido di Nos Grandinan ta urgi comunidad pa tuma medidanan di higiena cu ta encera laba man frecuentemente y evita toch y cu wowo, nanishi y boca pa preveni di haya e virus of pa plama esaki. Di e manera aki nos ta proteha nos mes pero tambe nos Grandinan.

Pa mas informacion por tuma contacto cu Seccion Cuido di Nos Grandinan na ouderenzorg@despa.gov.aw of por yama na telefon #522-4345



Caribbean Cinemas
MORE VARIETY IN PROGRAMMING AND SHOWTIMES NOW WITH 14 SCREENS!

MARCH 12-18

AGRIPPINA
PBP SATURDAY, MARCH 14, 1:00PM

BLOODSHOT
VIN DIESEL | EIZA GONZALEZ
WITH SPANISH SUBTITLES
PH MON-THU 6:10 | 8:40
FRI 6:10 | 8:40 | 11:00
SAT 3:40 | 6:10 | 8:40 | 11:00
SUN 3:40 | 6:10 | 8:40
PBP MON-FRI 4:25 | 6:55 | 9:25
SAT-SUN 1:55 | 4:25 | 6:55 | 9:25

MY SPY
DAVE BAUTISTA | CHLOE COLEMAN
PH MON-THU 6:10 | 8:30
FRI 6:10 | 8:30 | 10:50
SAT 3:50 | 6:10 | 8:30 | 10:50
SUN 3:50 | 6:10 | 8:30
PBP MON-THU 5:10 | 7:30
FRI 5:10 | 7:30 | 10:00
SAT 2:50 | 5:10 | 7:30 | 10:00
SUN 2:50 | 5:10 | 7:30
PBP MON-FRI 4:40 | 7:00 | 9:20
SAT-SUN 2:20 | 4:40 | 7:00 | 9:20

I STILL BELIEVE
BRITT ROBERTSON | K.J. APA
WITH SPANISH SUBTITLES
PH MON-THU 6:00 | 8:35
FRI 6:00 | 8:35 | 11:10
SAT 3:25 | 6:00 | 8:35 | 11:10
SUN 3:25 | 6:00 | 8:35
PBP MON-THU 3:55 | 6:30 | 9:05
FRI 3:55 | 6:30 | 9:05 | 11:35
SAT 1:20 | 3:55 | 6:30 | 9:05 | 11:35
SUN 1:20 | 3:55 | 6:30 | 9:05

ONWARD
TOM HOLLAND | CHRIS PRATT
Disney PIXAR
WITH SPANISH SUBTITLES
PH MON-THU 5:50 | 8:10
FRI 5:50 | 8:10 | 10:30
SAT 3:30 | 5:50 | 8:10 | 10:30
SUN 3:30 | 5:50 | 8:10
PBP MON-FRI 4:20 | 6:40 | 9:00
SAT-SUN 2:00 | 4:20 | 6:40 | 9:00

THE INVISIBLE MAN
ELISABETH MOSS | ALDIS HODGE
PH MON-THU 7:30
FRI 7:30 | 10:15
SAT 2:00 | 4:45 | 7:30 | 10:15
SUN 2:00 | 4:45 | 7:30
PBP MON-THU 3:55 | 6:35 | 9:15
FRI 3:55 | 6:35 | 9:15 | 11:20
SAT 1:15 | 3:55 | 6:35 | 9:15 | 11:20
SUN 1:15 | 3:55 | 6:35 | 9:15

SONIC THE HEDGEHOG
JAMES MARSDEN | JIM CARRÉY
WITH SPANISH SUBTITLES
PH MON-THU 6:00 | 8:20
FRI 6:00 | 8:20 | 10:40
SAT 3:40 | 6:00 | 8:20 | 10:40
SUN 3:40 | 6:00 | 8:20

BAD BOYS FOR LIFE
WILL SMITH | MARTIN LAWRENCE
WITH SPANISH SUBTITLES
PBP MON-SUN 9:10

OPENING MARCH 19: A QUIET PLACE PART II

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

Pronostico di Tempo

Tempo:
Parcialmente nubia cu un awasero breve

Temperatura maximo 32 grado Celsius temperatura minimo 27 grado Celsius

Bahada di solo : 6:50pm subida di solo : 6:47am.

Biento:
For di direccionnan entre oost-noordoost y oost y modera; forsa 3 te 4 (12 te 30 km/ora, 7 te 16 nudo). Den dia basta fuerte te

fuerte den rafaga; forsa 5 te 6 (31 te 50 km/or, 17 te 27 nudo)

Situacion general di tempo pa proximo 24 ora:

Un disturbio den e partinan mas abou di atmosfera lo trece humedad den region local durante comienso di e fin di siman aki. Esaki lo pone un awasero breve desaroya localmente, esaki principalmente den oranan di marduga y mainta trempan.



Condicionnan maritimoo/ estado di lama:

Un estado di lama modera ta wordo spera pa proximo 24 ora. Olanan ta for di direccion oost-noordoost cu altura di 3 te localmente 5 pia na partinan oost te noordwest;

Con pa limpia e criadero di virus cu ta bo celular



NEW YORK (AP) — Bo ta labando bo man infinito biaha pa dia pa purba evita coronavirus. Tambe bo lo mester laba e extension di bo man cu ta un campo

di crecimiento pa virus – bo celular.

Test realisa pa cientificonan ta demostra cu e virus por biba dos pa tres dia riba plas-

tic y stainless steel. Centro pa control y prevencion di malesa Mericano, CDC, ta recomenda pa limpia tur superficie cu ta mishi tur dia, incluyendo celular, keyboard, y tablet.

Pero limpia bo celular di forma robes por causa daño. Bo kier evita pa haya humedad den dje of rasca e superficie. No spray producto di limpieza directamente riba e celular, no hundi esaki den solucion limpiado, no spray e cu aparatonan usa pa haci keyboard limpi, y evita freg'e cu material abrasivo.

Na luga di esey, cuminsa pagando e celular y desconecta

tur cable. Bo celular no mester ta cargando mientras bo hacie limpi.

Por usa wipes di Clorox cu 70% alcohol, cual por haya na botica y supermercado, pa frega bo celular. Apple, cu ta conseha contra uso di producto di cas pa limpia su celularnan, ta bisa pa hacie 'suavemente'. AT&T ademá a recomeda pa primi e wipes desinfectante pa saca un tiki di e likido prome cu usa nan riba un celular.

Tambe por usa un paña suave pa limpia e celular, manera esun cu ta usa pa limpia bril. Google ta bisa cu por dip e paña den awa cu habon, tant-

en cu tene cuidao di no laga humedad drenta den e celular. AT&T ta bisa cu por usa paper towel tambe. Por spray esakinan cu desinfectante, pero atrobe, no spray e celular mes.

E stap di haci celular limpi ta un di e cantidad di medida cu autoridadnan di salubridad publico ta recomendando pa purba slow e expansion di e virus, cu a infecta 137mil persona rond mundo. Mas di 5mil a fayece. Mayoria di pashent ta experimenta unicamente sintomanan leve of modera, pero hende di edad avansa cu condicionnan existente di malesa ta particularmente vulnerabel.

Pentagono ta reconsidera contract cu Microsoft despues di protesta di Amazon

WASHINGTON (AP) — Pentagono ta reconsiderando su decision di otorga un contract mayor pa cloud computing na Microsoft, despues cu rival tecnologico Amazon a protesta locual el a yama un proceso di oferta fraca.

Abogadonan di gobierno Mericano a bisa den documentonan di corte e siman aki cu Departamento di Defensa 'ta desea di reconsidera su decision di otorga' y tuma otro bista na con a evalua e aspectonan tecnico di e propuestanan di e companianan pa mancha e proyecto di \$10 biyon di cloud computing.

E documento no ta menciona

e argumento mas amplio di Amazon, cu e oferta tabata influencia inapropiadamente pa e disgusto di presidente Donald Trump pa Amazon y su CEO, Jeff Bezos. Bezos ta doño di The Washington Post, un noticiero cu cual Trump a tene discusion frecuentemente.

Amazon Web Services ta un lider di mercado den provee servicicionan di cloud computing y pa largo ta considera un candidato lider pa mancha e proyecto Joint Enterprise Defense Infrastructure, JEDI, di Pentagono. E proyecto lo warda y procesa cantidad grandi di data clasifica, permitiendone ehercito Mericano mehora comunicacion cu soldadnan riba campo di ba-

taya y usa inteligencia artificial (AI) pa agilisa su plan di guerra y capacidad di lucha.

Amazon a demanda Pentagono despues cu Microsoft a ricibi e contract na october. Trabou riba e proyecto a stop mientras e demanda ta procede.

E hues presidiendo riba e protesta den US Court of Federal Claims a bisa e luna aki cu reto di Amazon probablemente tabatin merito riba algun base tecnico involucrando prijs.

Pentagono ta pidiendo 120 dia pa reconsidera 'cierto aspecto' di su decision.

Amazon a bisa den un de-



claracion cu ta complaci cu gobierno ta tumando accion corectivo si ta 'insula completamente e re-evaluacion for di influencia politico y coregi e cantidad di problema afectando e otorgamento inicialmente defectuoso'.

Analista di Wedbush, Dan Ives a bisa cu un posibel resultado ta cu Pentagono lo dividi e contract entre Microsoft y Amazon, of cu otro proveedonan. Esey lo move e proyecto dilanti y sak'e for di corte, el a bisa.

Control di Facebook ta revela sofisticacion di 'troll' Ruso

(AP) – Facebook y Twitter a revela evidencia diahuebs sugeriendo cu esfuersonan Ruso pa interferi den eleccion presidencial Mericano ta biraando mas sofisticada y mas dificil pa detecta.

E companianan a bisa cu nan a elimina decena di cuen-

tan falso y paginanan for di nan servicio.

Facebook a bisa cu e red di cuentanan cu a elimina tabata den 'etapanan inicial' di crea un audiencia. E tabata opera pa persona na Ghana y Nigeria den nomber di individuanan na Rusia. E cuentanan a post tocante topiconan

manera historia di hende color scur, chisme di celebridadnan, y moda.

Twitter, mientras tanto, a bisa cu e cuentanan cu a elimina a purba di sembra discordia enfatisando problemanan social manera rasa y derechonan civil sin faborece ningun candidato of ideologia particular. E tacticanan cu e cuentanan a usa pa evita deteccion – y cu Rusia esencialmente a subcontrata e trabou na paisnan den Africa Occidental – ta muestra cu interferencia stranhero ta keda un reto pa Facebook den lunanan na caminda pa eleccion na november.

E cuentanan cu Facebook a elimina tabata enfoca riba crea division racial. Algun tabata pretende di ta organisacionnan no gubernamental legitimo pa gaña hende.

E eliminacion ta despues di un reporte siman pasa cu a haya cu e campaña di Moscu pa interferi den eleccion Mericano no a stop desde 2016, y de hecho a bira mas dificil pa detecta.

E reporte ey, di profesor Young Mie Kim di Wisconsin-Madison, a haya cu cuentanan di rednan social vincula na Rusia ta post tocante e mesun asuntunan divisivo

– relacion racial, ley di arma y inimigracion – manera nan a haci na 2016, aña den cual Kremlin a contamina e feeds di votadonan Mericano cu mensahe riba eleccion presidencial. Facebook desde e tempo ey a elimina e cuentanan ey tambe.

Luna pasa, director di FBI, Christopher Wray a adverti cu Rusia ainda tabata participando den 'guera di informacion' cu un ehercito di persona ficticio riba rednan social y 'bot'nan cu a plama desinformacion. Rusia repetidamente a nenga interferencia den eleccion Mericano.



Comunidad a sali pa haci compras nervioso pa via di coronavirus



ORANJESTAD - Ayera mainta door di e confirmacion di e casonan positivo di coronavirus na Corsou, comunidad di Aruba a cuminsa sinti e efectonan di 'panico' pa loke ta trata esaki.

Bon Dia Aruba a bishita algun supermercadonan y botica pa wak con e situacion tabata bayendo ya cu den parkinglot di varios di nan tabatin rij pa drenta y e hende no tabatin espacio pa para nan auto.

Den esaki, por a mira cu e comunidad 'a bira loco' y a sali for di cas pa haci compras nervioso specialmente di awa, papel di WC, cuminda den bleki, aros y pasta, den oranan di atardi a keda conoci cu e benta di algun di nan a wordo restringi den un supermercado grandi.

Asina tambe nos por a constata cu boticanan a cuminsa limita e benta di Paracetamol, personanan cu mester di dje por cumpra dos caha so cu botica tabata bende pa persona.

Den e botica e articulonan mas solicita aparte di e medicina menciona, tabata hands sanitizer, wipes pa baby y alcohol, stock di mascarada a wordo agota caba.

Dia15 di maart dia Mundial di Derechonan di Consumidor



ORANJESTAD - Dia15 di maart 2020 ta dia Mundial di Derechonan di Consumidor ,riba e dia aki organizacionnan di consumidornan rond di mundo,den coordinacion cu Consumers International, ta reuni pa haci peticion pa cambianan global y duradero pa evita collapse ambiental resaltando e proteccion y empoderamiento di e consumidor rond mundo.

Considerando cu actualmente nos ta encontrando un crisis ambiental,causando e.o. cambio climatico y perdida di biodiversidad, ta urgi medidanan drastico pa aborda e crisis mundial aki.

Den e cuadro aki lo destaca e cambianan cu e consumidor por haci y cu gobierno y companianan mester ehecuta pa por haci sostenibilidad un opcion mas facil pa e consumidornan.

E crisis cu nos ta enfrentando ta asina urgente cu nos tur tin cu uni y tuma nos responsabilidad pa por resolve.

E demanda di producto sostenibel ta aumentando, specialmente entre consumidornan mas hoben. E campaña ta enfoca particularmente ariba hobennan, mirando e activismo den e generacion encuanto e tema.

E decada aki ta nos ultimo oportunidad pa limita calentamiento global. Pa logra esaki nos mester reduci emision di gasnan di efecto invernadero (GEI), desperdicio y haci uso di recurso di tur sector.

Un forma pa logra esaki ta haciendo cu e manera di produci y consumi ta mas sostenibel. Pa e consumidor e consumo sostenibel ta trata di haci mas cu lo menos, por ehempel, cambia pa productonan energeticamente eficiente, intercambia alimento, huur of cumpra cosnan segunda mano y tambe uso consciente di awa, coriente of combustible.

For di un estudio global por conclui cu

66% di consumidornan ta bisa cu nan ta dispuesto pa paga mas pa productonan sostenibel, pero locual ta limita nan ta barera nan manera e prijs, disponibilidad y falta di informacion.

E consumidor tin un papel hopi importante den e cuadro di sostenibilidad, sinembargo nan no por logra e metaakinanan so.

Ta urgi Gobierno y companianan tambe pa actua pa crea cadena di suministro mas sostenibel, eliminando desperdicio ineficiencia den produccion prome cu e productonan yega na tiendanan, creando e posibilidad pa reciclahe y asegurando cu e consumidornan haya e informacion necesario pa por tuma decisionnan responsabel.

Gobierno y companianan tambe tin cu demostra liderazgo internacional mediante establecimiento y condicion di obhectivonan di ambicion pa limita e calentamiento global promoviendo e sostenibilidad den consumo.

Dienst Huuren- Consumentenzaken (DHC), cual departamento ta resorta bou di Ministerio di Asuntonan Social y Labor ta e departamento di gobierno encarga cu promocion di consumo responsabel, informando consumidornan encuanto producto y servicionan.

Den cuadro di e tema y desaroyonan mundial, e vision di Gobierno y tambe e metanan (Mundial) pa Desaroyo Sostenibel, e asina yama "Sustainable Development Goals" (SDG's) di Nacionnan Uni, meta SDG 12 cual ta trata sostenibilidad,pronto DHC lo conoce un estructura nobo pa asina por duna un sosten mas amplio y al dia na e consumidor resaltando e proteccion y empoderamiento di e consumidor.

En cuanto e impacto di e reforma fiscal riba nos economia:

KvK cu resumen di segundo parti di reforma fiscal



ORANJESTAD – Camara di Comercio y Industria Aruba (KvK) a reuni hunto cu Gobierno y otro gremionan comercial pa discuti riba e siguiente fase di e reforma fiscal. KvK ta haya importante pa informa e comunidad comercial en particular riba kico ta e contenido di esaki pa asina por ta miho prepara y alabes contribui na un reforma mas adecuada.

Gobierno di Aruba (GdA) a provee Parlamento di Aruba cu un documento inoficial di e ley cu ta elabora riba e fase 2 di e Reforma Fiscal. Metanan

principal di esaki ta pa simplifica e regimen fiscal y asina creando un regimen fiscal sostenibel. E siguiente puntonan ta entre otro e proposicionnan cu lo drenta na vigor entrante 1 april 2020:

Proposicionnan:

1. Impuesto di 6% na frontera. Esaki lo crea inflacion cu lo tin un impacto negativo riba nos economia. No tin claridad encuanto e aspectonan practico.
2. Lo aboli e regimen di IPC (Imputation Payment Company) bieu y nobo. Esaki lo tin efecto negativo pa e sector hotelero y otro activi-

dadnan specifico.

3. Perdida di balor (depreciacion) ariba propiedad. Esaki lo tin un impacto negativo pasobra mester bay paga mas impuesto riba ganashi di negoshi (winstbelasting), e potencial di e depreciacion lo wordo reduci drasticamente.
4. Incremento den e "Foreign Exchange Commission" di 1.3% pa 1.9%. Esaki lo crea un impacto negativo como cu e ta ocasiona un efecto di inflacion. Pagonan den exterior lo bira 0.6% mas caro locual lo hiba na expectativanan di un crecimiento minimo di e nivel di prijs di 0.6%.

5. Ta aboli pensioen den propio cuenta (pensioen in eigenbeheer). Esaki lo elimina e posibilidad pa mantene placa den e compania y re-inverti den e economia y ta forma asina un impacto negativo.

6. Por cumpra e provision di pensioen cu a acumula den un propio cuenta na 10% enbes di 25%. Esaki ta un medida positivo, aunke e ta un ingreso di un biaha so pa GdA.

7. Un tarifa di dividendo di 10% riba ganashi reteni. Esaki ta un medida positivo, sin embargo, esaki tambe ta un ingreso di un solo biaha

pa GdA.

8. Ta incrementa e subsidio di inversion di 6% pa 10%. Na un largo plaso esaki ta un medida positivo pa loke ta e clima di inversion.

9. Ta baha winstbelasting di 25% pa 23%. Esaki ta ofrece un impacto positivo na e economia na largo plaso.

Consideracionnan

Mirando e circunstancianan actual, KvK ta di opinion cu e puntonan 1 te cu 5 no mester drenta na vigor entrante 1 april 2020. KvK ta conseha cu e medidanan aki mester wordo posponi te cu proximo aviso.

E situacion cu Aruba ta pasando aden, KvK ta di opinion cu puntonan 6 te cu 9 y en particular puntonan 6 y 7 mester wordo optimalisa pa asina por genera mas entrada den e economia di Aruba.

Considerando e situacion actual relaciona cu Corona Virus y e expectativanan di e impacto cu esaki lo por tin pa mundo henter y tambe pa e economia di Aruba, Camara di Comercio representando e comerciantenan ta di opinion cu no lo ta prudente pa ehecuta e proposicionnan mencionada anteriormente entrante 1 april 2020 y ta recomenda pa pospone e introduccion di esaki te un proximo aviso.

Interupcion den varios esfera social pa coronavirus

CEDE Aruba ta conseha pa pospone proyecto di Aruba Doet

ORANJESTAD – Despues di un prome dia di actividad di e proyecto di accion boluntario mas grandi di Aruba, CEDE Aruba a anuncia cu ta conseha pa pospone proyectonan. E anuncio a yega algun ora despues di e conferencia di prensa di Gobierno, den cual a confirma e prome dos caso di coronavirus na Aruba.

Den su carta, CEDE a conseha pa 'tur organisacion y boluntario pospone nan actividad di Aruba Doet. CEDE Aruba no ta haya responsabel pa laga e actividadnan tuma luga na e momento aki. "Cu dolor den nos curason" nos ta duna e consejo aki,' segun e carta. "Aruba Doet ta un evento pa conecta comunidad, pero e no ta mas importante cu nos salud."

Ta enfatisa cu tur proyec-

toposponi, nan no mester wordo cancela, pero a agrega cu 'no ta kere cu ta bay tin un fecha nacional atrobe,' sino 'cada organisacion por dicidi ariba un fecha nobo ora e situacion ta tranquil'. "Si tin organisacion cu proyectonan chikito cu ta haye responsabel pa bay door, nos no ta prohibi esaki. Pero e ta importante pa evita cu gruponan di riesgo pa Coronavirus ta participa."

Importante: CEDE Aruba y e team di Aruba Doet ta pidi cada organisacion pa tuma contacto cu nan boluntarionan via telefon, e-mail, WhatsApp of Facebook, pa informa nan manera debe ser. Nos ta conseha boso pa palabra cu ariba un otro momento, boso lo por tuma contacto cu nan pa organisa e proyecto ainda.

Club Kibrahacha 60+

Tambe relaciona cu e casonan recién confirma di coronavirus na Aruba, Club Kibrahacha 60+ a anuncia cu ta cancelando tur actividad te cu proximo aviso.

Mirando cu e club ta encarga su mes cu miembranan di comunidad 60+, kendenan tin riesgo mas halto di complicacion relaciona cu COVID-19, a tuma e decision di cancela tur actividad proximo 'den cuadro di medidanan pa asina proteha nos grandinan pa cualkier riesgo di coronavirus', segun Jeffrey Matos, director di e club, a bisa den un comunicado di prensa.

Entre otro, ta cancela actividad programa pa publico pa dia 18 di maart venidero na Museo Arkeologico Nacional Aruba.

Pa mas o menos 7:30pm,

Fundacion Museo Aruba a cancela su evento riba Facebook, 'Celebracion Nacional 18 maart 2020'.

Cu esaki por asumi cu henter e evento di celebracion aki a keda cancela.

Universidad di Aruba

Ademas, Universidad di Aruba tambe a tuma medida pa yuda preveni expansion di coronavirus na nos isla,

cuminsando ayera. Segun un estudiante di e universidad, a pidi tur facultad pa duna les online mientras ta monitor e situacion.

Proximo siman diabierna lo evalua si lo resumi cu les en persona.

IBiSA tambe a manda un aviso di ultimo ora, den cual a anuncia cu tur deporte escolar ta keda suspendi te proximo aviso.

